



Wantok



Namba 1997 Novemba 29 - Disemba 5, 2012 32 pes

Niuspepa Bilong Yumi Ol PNG Stret!

K1 tasol

19^t per MB
7pm - 7am

CELEBRATE TELIKOM'S X'MAS OFFERS
Off peak Internet Prepaid rate reduced for the rest of the Year
October until December 2012

TELIKOM PNG
24/7 Customer Care: Call 345 6789 or www.telikompng.com.pg

FRI TOK TOK AFTA 2 MINUTES

Mekim wanpla 2 minute call ligo long olgeta local mobile network na kisim narapla 8 minutes insait long displa call fit.

WANTAIM DIGICEL CREDITS BLO YU BAI ISTAP LONGPLA TAIM

www.digicel.com | Digicel

Daunim mak bilong AIDS i go daun long ziro

TOKTOK i kam long Eksekyutiv Dairekta bilong UNAIDS na Anda Sekreteri Jenerel bilong Yunaitet Nesens, Michael Sidibe, long Wol AIDS De:

“Long ol milian pipel i kam wantaim long luksave long Wol AIDS De, mipela I tok,”Blut, tuhat na aiwara bilong yu i wok long kamapim senis long wol”.

Yumi lusim mak bilong bagarap na go long mak bilong hop o bilip.

Liklik lain nau i wok long dai long AIDS

25 kantri i daunim mak long ol nupela infeksien o sik long hap o 50 pesen. Mi laikim ol risal bilong olgeta kantri.

Ol wok go het i kamap hariap. Yumi no bin ting olsem dispela bai kamap-tasol samting I save kisim 10-pela yia long kamap nau i kisim wanpela de tasol long kamap.

Nau yumi save olsem planti HIV na AIDS progrem i kamap. Yumi mas mekim moa.

Ol pren, yumi gat 1,000 de tasol bipo long detlain bilong 2015 ol AIDS taget bilong wol.

Olsem na tude long Wol AIDS De, yumi strongim komitmen o wok bilong yumi long daunim mak i go daun long ziro level.

Ziro long nupela HIV infeksien, ziro long lukluk nogut long ol lain i gat HIV na AIDS na ziro long ol lain i dai long ol sik i sut long AIDS.

Wol AIDS De spesol: pes 14 - 19

Lukim Insait: Sabina: pes 5 na 7

Olgeta mas kam bung long dispela bikpela spesol de long Disemba 1, 2012.



MR JUSSIE FRUITY!

Teist osem Fruit! Pikinini bai hambag stret!!

Moa pipel wantaim sik AIDS I stap laip ... Moa i kisim ART marasin

MOA pipel i gat sik AIDS nau i wok long stap laip longpela taim bikos ol i kisim Anti Retrovairal marasin (ART) long helpim pipel i gat sik AIDS i no dai hariap. Tu nau, i gat nupela agri-men namel long UNAIDS na Stopim TB Patnasip long strongim wok long inapim 2015 gol bilong daunim ol

man i gat sik AIDS na i dai long sik TB. Long las wik, Yunaitet Ne-sens Dvelopmen Progrem long HIV na AIDS (UNAIDS) i bin ripotim olsem insait long las tupela yia, mak long pipel i gat sik TB na AIDS i kam daun long 32 pesen. UNAIDS opis i tok mak i go daun i kamap bikos

namel long yia 2009 na 2011, planti pipel (long 45 pesen mak) i gat sik TB na AIDS wantaim i wok long kisim ART marasin. Opis i tok ol pipel i gat sik AIDS i gat bikpela sans tru long kisim ektiv TB winim ol lain i nogat HIV binatang. Em i tok klostu 9 milian pipel long wol i bin sik wan-

taim TB long las yia, na moa long i milian I bin gat HIV binatang. Opis i tok ol mama I gat bel na ol pikinini bai stap long bikpela hevi. Opis i tok sapos meri i gat bel i gat sik AIDS na TB wantaim, mak long tupela mama na pikinini idai i stap antap. Na mak long givim sik i go

long pikinini I bikpela. Long las yia, 430,000 long 1.7 milian pipel i gat sik AIDS na i dai, TB em bin as long dai bilong 25 pesen long ol. "TB na HIV tupela i no gut-pela kombinesen. Yumi ken stopim ol pipel long dai long tupela sik sapos yumi strongim ol HIV na TB sevis," Dokta Michael Sidibe em

Eksekyutiv Dairekta bilong UNAIDS, I tok. "Ol gol bilong 2015 i klia na dispela em long daunim pipel i gat sik TB I dai i kam daun long 50 pesen mak Yumi ken mekim dispela i kamap, tasol sapos ol i strongim ol sevis na ol kantri i wok wantaim.," Dokta Sidibe i tok.

Ol stetistiks o namba long HIV na AIDS long wol:

Samari long sik AIDS inap long las yia, 2011:

Mak long pipel i gat AIDS long wol:	34 milian
Ol bikpela manmeri:	30.7 milian
Ol meri:	16.7 milian
Ol pikinini inap long 15 krismas:	3.3 milian

Mak long ol nupela manmeri i bin kisim AIDS long 2011: 2.5 milian

Ol bikpela manmeri:	2.2 milian
Ol pikinini inap long 15 yia:	330,000
Ol lain i dai long AIDS long 2011:	1.7 milian
Ol bikpela manmeri:	1.5 milian
Ol pikinini inap long 15 yia:	230,000

Mak long ol nupela lain wantaim AIDS long wanpela de: 7,000

Mak long 97 pesen em ol turangu na namel inkam lain kantri. 900 em ol pikinini aninit long 15 krismas, 6,000 em ol bikpela manmeri i gat 15 krismas na igo antap 47 pesen em ol meri, 39 pesem em ol yangpela pipel namel long 15 na 24 krismas.

Long ol rijen:

Sab Sahara Afrika:	23.5 milian
Midel Is na N ot Afrika:	300,000
Saut na Saut Is Esia:	4 milian
Latin Amerika:	1.4 milian
Karibien:	230,000
Isten Yurop na Sentrel Esia:	14 milian
Westen na Sentrel Yurop:	900,000
Not Amerika:	1.4 milian
Oseania:	53,000
Totol o mak bilong olgeta:	34.0 milian



KAR BILONG MEKIM WOK...

Vais Minista bilong Spot na memba bilong Mosbi Not Is, Labi Amayu i givim ki bilong tupela kar em baim bilong mekim wok long elektoret bilong em i go long han bilong siaman bilong elektoret. Dispela tupela nupela kar bai opisa bilong em yusim long raun na sekim ol liklik wok long elektoret bilong em long Mosbi Not Is. Labi, i tokim ol manmeri husat i stap long dispela bung long lukim dispela kar long wanem dispela kar bai raun go stret long ol wod bilong ol na sekim wanem ol samting ol bai stretim long helpim sindaun bilong ol long wanwan wod bilong ol. Poto na Stori Nicky Bernard.

EM I GUTPELA WEI BILONG WOKIM HAUS

Sapos em haus bilong silip, bisnis or komyuniti - lusim mipela i soim yu gutpela wei bilong wokim haus. Yu bai ino inap lukluk long disain na konstraksen long wankain wei ken! Force 10 haus bai sanap yet taim wara i tait, paia ino inap kukim, bai sanap strong long taim bilong gurua, binatang ino inap bagarapim na haus inap long pinis long 14pela dei.



Seif, sekua, isi long wokim na eco frendli.

www.force10global.com.au

A better way to build

Ringim mipela nau Intanesinol Fri Kol
000 861 055
 o ringim
+ 617 3827 5600

Nau saplaim ol projek insait long
 Tabubil, Madang, Lihir Island,
 Lae na Port Moresby
enquiries@force10global.com.au

Palamen oraitim K13 bilian mani

PALAMEN i tok oraitim pinis K13 bilian mani plen bilong 2013.

Long Tunde dispela wik, Oposisen mausman Joseph Lelang i bin makim oposisen long givim bekim long mani plen bilong gavman, we bai lukim moa mani i go daun stret long ol provins na distrik.

Mista Lelang i bin givim strongpela toktok olsem maski gavman i lukluk i go daun long ol distrik na LLG, planti gutpela winmani i kam long gavman i bin lus nating long wankain pasin bilong makim nating mani.

"Em i wanpela baset we i no luksave long ol bikipela senis i wok kamap long kantri. Groa bilong PNG, em ol i skelim olsem em i go daun. Na em bai halivim ekonomi long groa olsem wanem?" em i askim.

Em i bin givim sapot long ol takis plen bilong gavman long kisim winmani, tasol em i tok i mas i gat moa wok i go long painim ol lain bisnis na manmeri husat i wok long hait na abrusim ol dispela takis bilong gavman.

Bikipela hevi Lelang i tok em i lukim, em long mak




LELANG: Baset bai nogat strongpela sapot.

bilong inflesen, o mak bilong ol stua kago na kaikai.

Em i tok tu olsem baset i makim mani long kain kain ol wok glasim, we i no nidim bikipela mani, na dispela i mas i gat moa wok painimaut long en.

Minista bilong Nesenel Plening, Charles Abel, i bekim toktok bilong Mista Lelang, na tok olsem planti long ol bikipela astingting we gavman i bihainim long kamapim dispela baset, em i kam long ol bikipela plen bilong gavman bilong groim ekonomi, we, em i tok, Mista Lelang yet i bin kamapim taim em i bin wok olsem plening sekreteri.



ORAIT: Baset kisim tok orait bilong Palamen.

FREE

SALARY ALERT

Don't stand in queues on Payday.

Call 320 1212 for more information

✓ Receive a SMS message as soon as your salary is deposited into your account.

✓ Free service so saves you time and money.

So get connected now.

BANK WITH A REAL BANK!

mobile banking

THINK BSP!

Bank with PNG's Leading Bank - 24/7.

Find Us On:

Talk to us anytime 24/7 on 320 1212. Register for Mobile Banking only between 8am - 5pm, Monday to Friday.

Niupela

Maggi

MagicTeist

Wanpela kain kuring pauda

Bai givim BEST teist long kainkain kuk

TELE Apdeit

OI SPESOL OFA i kam long Telikom PNG

Lukim nau N960 na S182

Citfon i gat ol nupela hanset em ZTE N960 na S182 mobail hanset.

ZTE N960 i gat Android 2.3 Operating Sistem, Virtual QWERTY, WiFi protokol 802.11b, Micro SD Kad inap long 32G na Touch Screen na prais bilong en K650.00.

ZTE S182 wantaim MP3 pilaia, ol Gems, Tos, Vois Toktok taim – 300 awa, Vois rekoda na FM Redio em prais bilong en nau em K29.00 tasol.

HARIAP NA KISIM TAIM I GAT STOK YET!

Telikom Bonus Pek bilong Olgeta De

Dabolim pripeid vois na data sevis bilong yu long intanet brodben, Fiks Lain, WiMAX, EVDO intanet modem na Fiks Waiales Fon.

Bonus bai go aut sapos yu risasim K5, K10, K20, K50, K100, na K200 Telikad na Rait kad tasol.

Taim yu mekim kol, ol bonus kredit bai go long ol on-netwok kol tasol, na ol kol i go long ol arapela netwok bai kisim sas long ol nomol ret.

Winim Drim Kar bilong Yu

Top Ap long dispela mun Novemba na Disemba, na kisim sans long winim wanpela kar bilong driman long yu bilong amamasim Kris-mas na Nu Yia.

Bungim ol Telikad na Rait Pripeid Top-Ap inap long K50 na kisim wanpela entri i go insait long dro olgeta mun bilong winim kar long driman bilong yu.

19t wan MB

Amamas wantaim hai spid prepaid intanet sevis bilong Telikom PNG wantaim wanpela spesol ofa inap long 19 toea long wan MB long ol of-pik awa namel long 7 kilok nait na 7 kilok moning, i go inap pinis bilong dispela yia.

Long save moa, ringim 24/7 Kastoma Kea long namba 3456789.



Nupela polisi bilong polis

Bustin Anzu i raitim

POLIS Fos bilong Papua Niugini bai mekim tupela senis insait long polisi bilong ol we bai sut long 10-yia plen bilong ol.

Dispela tupela nupela polisi em namba tu wok baksait long polis (namb tu wok) na rot bilong pinisim long wok (dismisal) na daunim namba bilong memba (dimosen). Dispela bai sut long strongim dispela 10-yia polisi bilong ol long wok gut na tu, sut long Visen 2050 bilong nesenel gavman.

I gat planti stori olsem ol polisman meri i go painim namba tu wok na mekim planti asua na i bin gat planti komplek long polis planti taim. Tu, i luk olsem planti ol polisman meri igo mekim

namba tu wok long lainim samting, mekim mani na long ol narapela interes bilong ol yet.

Pinisim long wok o daunim long namba o renk bai kamap tu taim pablik i laikim ol polisman meri i smat long wok tasol ol yet i slek long mekim wok. Polis Komisina tu i laikim polisi long mekim gutpela na stretpela wok na sapos ol ino mekim wok olsem em i laikim, ino gat as long ol i stap long polis.

Dispela bai mekim ol narapela wanwok bai les na ino inap wok strong.

Taim em i toktok wantaim ol Provisin Polis Komanda (PPC) na Polis Stesin Komanda (PSC) bilong Momase, Sif Superintenden Tony Duwang i tok taim dispela tupela polisi i kamap, em bai strongim wok bilong

polisi. Mipela ino laikim ol stap long tudak,” em i mekim dispela toktok long las wik long bung bilong ol long Lae.

Dispela polisi bai mekim ol i wok strong na tu, stap tu long ol senis i wok long kamap autsait long ples wok bilong ol.

“Dispela namba tu wok bai givim ol taim long wok long narapela wok long taim ol i stap long malolo o narapela taim bilong ol. Tasol dispela, Komisina bilong Polis mas givim tok orait, bihain long glasim na luksave long dispela wok pastaim,” em i tok.

Rausim long wok na daunim namba em ino nupela. Em i stap aninit long seksen 55, 120 na 130 long polis fos ekt. Tasol nau, ol i laik strongim dispela wok moa

polisi. Mipela ino laikim ol stap long tudak,” em i mekim dispela toktok long las wik long bung bilong ol long Lae.

Dispela polisi bai mekim ol i wok strong na tu, stap tu long ol senis i wok long kamap autsait long ples wok bilong ol.

“Dispela namba tu wok bai givim ol taim long wok long narapela wok long taim ol i stap long malolo o narapela taim bilong ol. Tasol dispela, Komisina bilong Polis mas givim tok orait, bihain long glasim na luksave long dispela wok pastaim,” em i tok.

Rausim long wok na daunim namba em ino nupela. Em i stap aninit long seksen 55, 120 na 130 long polis fos ekt. Tasol nau, ol i laik strongim dispela wok moa

yet na mas sut long 10-yia plen bilong dipatmen.

Duwang i tok dispela tupela polisi bai kam aninit long lukaut bilong em olsem bos bilong inenel afeas.

Dispela em long rausim ol slek polisman meri o ol lain i givim sampela kain hevi long nem bilong polis long Papua Niugini.

Dispela pasin bilong rausim wokman meri na daunim namba em long mekim ol manmeri mas wok strong, we ol pablik i laikim long en na ol ino ken slek na les.

Ol i bungim ol komandas bilong Momase rijen na toktok wantaim ol. Ol i holim wankain bung wantaim ol lain bilong Nesinol Kapitol Distrik, Sauten koman na Ailan. Dispela wik em ol i stap long Hailans na kisim wankain tingting ol.

PNGSDP i helpim gut pipel long Westen provins

... Putim pawa, rot na komyunikesen

TRIPLELA samting long helpim kisim developmen i go long pipel em pawa, rot na komyunikesen we ol pipel bilong Westen Provins i wok long kisim nau.

Na tok tenkyu na luksave i mas go long PNG Sas-tenebol Developmen Program (PNGSDP), Pater Andrew Moses bilong Kiunga long Westen Provins, i tok.

Pater Andrew i wokim dispela toktok bihainim sampela midia ripot i no gutpela tumas ol bin mekim long PNGSDP we em i no amamas long en.

“Planti ripot i no gutpela i bin kamap long midia long PNGSDP. Em no gutpela na i no fea long i no wokim wanpela gutpela toktok long kampani we i wok long mekim planti gutpela samting wantaim ol projek i kamapim senis long laip na sindaun bilong pipel bilong Westen Provins.

“Mipela i laikim ol pipel bilong mipela long save na luksave olsem i gat planti gutpela samting i wok long kamap long Westen Provins bikos long PNGSDP.

“Ol pipel bilong Westen provins i ken komyuniket gut tude wantaim wanpela

narapela hariap stret bikos long ol komyunikesen masin tawa we PNGSDP i putim long olgeta kona bilong provins.

“PNGSDP i baim na putim ol jenereta long planti ples insait long provins.

“PNGSDP iputim bikpela mani long kamapim ol rot, moa yet, rot long Kiunga i go long Konkonda viles na rot long Gre viles i go long Gre viles igo long Drimgas viles. Ol i bai bildim moa rot wantaim sapot bilong PNGSDP.

“Dispela tripela samting, elektrisiti o pawa, ol rot na komyunikesen em ol bikpela samting long kisim developmen i go long pipel.

“I moabeta long ol lain husat ikisim gutpela samting long ol developmen I kamap i tok tenkyu long PNGSDP,” Pater Andrew i tok.

Em i tok ol narapela samting we PNGSDP i mekim em long wokim mentenens long Daru ples balus na nau, Air Niugini balus i wok long mekim ron i go na i kam long hap, bihain long 12-pela yia ples balus i bin stap pas.

Narapela bikpela samting we PNGSDP i mekim em long go insait long patnasip

wantaim sampela sios i wok long Westen Provins long developim helt, edukesen na ol rot samting.

“Wantaim dispela patnasip, mipela i bildim ol nupela haus bilong ol tisa, ol klasrum, ol nupela haus bilong ol nes na dokta, ol narapela samting bilong helt sekta long planti longwe ples long provins olsem ples Tmoknai, Bazrassaro, Bolivip, Biangavip, Gasuke, Alambak na planti moa viles yet,” Pater Andrew i tok.

Pater Andrew i tok PNGSDP i bin sapotim wanpela program ol i kolim long Komyuniti Konvesesen na as tingting em long helpim pipel iogenaism ol yet na mekim ol disisen long kamapim gut laip bilong ol tude.

Pater Andrew i tok ol helt na edukesen opis bilong ol em PNGSDP i apgretim wantaim helpim bilong PNGSDP.

PNGSDP i wok long helpim Sen Gabriel Teknikel Sekonderi Skul long pinisim ol ol sampela skul bilding projek we kampani ibin winim tenda long gavman I bin statim, tasol i no pinisim.

“Na mipela i no toktok long planti ol narapela wok

developmen i kamap long Westen provins, planti em long trenim ol wok manmeri. Long dispela, ol bin yusim gut mani bilong pipel long developim pipel long en,” Pater Andrew i tok.

Em i tok long sait bilong oditim o sekim ol buk i gat ol ripot long rot we kampani i yusim mani long en, i moabeta long sekim olgeta oge-naisesen na ino PNGSDP o Ok Tedi Developmen Faundesin (OTDF). Tasol ol sios, gavman, ol gavman dipatmen na ol opis bilong ol MPLong painim hamas mani bilong pipel ol i yusim long kamapim ol gutpela samting bilon g helpim pipel.

Pater Andrew i tok bikpela samting nau em long saplaim pres wara o gutpela wara i go long ol pipel hariap bikos long pipia bilong main we Ok Tedi main i kamapim.

Em i tok Tingay ripot i bin tok bikpela eria em helt kea bilong pipel na fud sekyuriti we ol atoriti i mas mekim samting long etresim nau.

Pater Andrew i tok nau em i no taim bilong pait, tasol long helpim ol pipel husat i sik na i kisim hatpela taim long sampela ples klo-sut long Wara Flai.

Kerevat Nesenel Hai i op gen

Michael Novingu i raitim

KEREVAT Nesenel Hai Skul ol i stretim pinis wantaim manimak K6.5 miliar, na Minista bilong Edukesen, Paru Aihi, i opim las wik.

Misat Aihi i tok O’Neill-Dion gavman bai senisim edukesen dipatmen.

Moa yet, em i tok korapsen i bagarapim edukesen dipatmen long planti yia i go pinis.

Aihi i tok long korapsen pasin bilong ol atoriti bilong skul na ol arapela bikmanmeri i lukim ol i pasim skul.

Em i tok: “Mipela bai rausim korapsen pasin long edukesen dipatmen, mipela bai stretim ol samting long ol skul long kantri, na lukautim ol tisa long gutpela lainim bilong ol pikinini bilong mipela.

“Long wankain taim, gavman bai katim bikpela mani long baset o mani plen i go long edukesen dipatmen long ronim ol skul long kantri.

“Moa yet, ol mani mipela i katim bai go stret long ol skul long karimaut wok bilong ol skul i go het long lainim ol pikinini bilong mipela.

Aihi i tok Kerevat Nesenel Hai Skul em i skul bilong ekxelens na em i laikim skul i mas kamapim ol gutpela sumatin long bihain taim bai ol i lukautim kantri i go het.

Tok Sori:

Stori long Pes 5 las wik i bin gat sampela liklik asua na mipela ilaik stretim. Namba tu hetlain i bin go olsem, **MSF askim long seperet ripot long ol aksiden. Tasol stretpela hetlain i go olsem “MSF ASKIM LONG NARAPELA WE BILONG KISIM NAMBA”.** Wantok Niuspepa i tok sori sapos asua i kamapim sampela bel hevi long MSF. Tok sori I kam long Edita.

Wanpela Ali Baba baset bilong PNG

*NAMBA wan samting:
Mista Andrew Trawen i
kros na laikim mipela i
tok sori long en.*



Orait, Ilektoral Komisina, Andrew Trawen i no amas long dispela kolum i tok olsem opis bilong em i 'mekim wanpela spesol dil' bilong Peter O'Neill we vot long Yalibu-Pangia i bin kirap eli na pinis eli, na ol i diklerim Mista O'Neill olsem wina.

Mipela bai tok sori long Mista Trawen na Mista O'Neill sapos i gat wanpela sut tok long paul pasin i stap, olsem ilektoral frod o paul pasin, o komisanim bilong wanpela kain kriminal kondak long we Komisina i bin karimaut poling long Yalibu-Pangia.

Tasol i nogat sut tok olsem. Ol toktok mipela i mekim i arere tasol, na i bihainim pablik askim i kam long Belden Namah na Powes Parkop, we ol i askim watpo Yalibu-Pangia i kisim spesol luksave.

Long dispela ol askim, mipela i skelim olsem, long gutpela o nogut, dispela i bin orait o gutpela moa long Mista O'Neill. Sapos mipela i bin asua long dispela sait, orait, mipela i tok sori long Mista Trawen long lukluk bek long ol samting i kamap long lukim fomesen bilong dispela gavman. Dispela kain lukluk bek, em olgeta fri-tingting Papua Niugini manmeri i gat rait long mekim. Long lukim, skelim, na kamapim tingting long en.

Orait, nau yumi lukluk

long samting i kamap long nau. Em long nesenel baset o mani plen.

Wanpela mama bilong K13 bilian baset i karamapim sampela ol yia stat long yia 2013, na i go inap long yia 2015, na nogut 2017 tu. Na mipela i kisim toktok olsem intenal o domestik mani maket bilong yumi i ken kamapim tasol K3 bilian long holim ekspendisa progrem bilong gavman. Askim nau em: Narapela K10 bilian bai kam long we?

Sapos gavman i bilip olsem kesmani bai stat kam insait taim LNG prodaksen i ron, mipela i ken tok tasol olsem em bai longpela taim moa pastaim long mipela i lukim ol LNG 'dividen' i kamap.

Nau yet, kostim bilong konstraksen wok i go antap tru long sampela ol bilian US dola. Na sapos dispela em i wanpela kain piksa long wanem bai kam bihain, orait yumi mas 'hariap isi liklik' taim yumi wok driman long ol winmani bilong LNG Projek.

Mipela i harim olsem ol 'dividen' i kam long LNG Projek i wok long go long sampela ol Swiss Benk Akaun long wanpela skim long 2 bilian US dola dinau long peim Stet 22% ekwiti insait long projek.

Ol i tokim mipela olsem dinau i bin kamap long Dubai, na olsem sekyuriti bilong dispela dinau, Somare gavman i bin givim 22% ekwiti olsem sekyuriti wantaim luksave olsem olgeta dividen bilong projek bai go long ol wanwan Swiss Benk Akaun long bekim bek dispela dinau, na wanem ol arapela kostim bilong en.

Dispela baset em i wan-

pela tru tru Papua Niugini baset, we mipela i go bek gen long sindaun long mani yumi nogat; yumi bai tromoi nating mani pastaim long mipela i holim long han, na taim mipela i mekim liklik mani, mipela bai peim wanem samting mipela i baim pinis long en.

Mipela bai dinau mani long bekim ol dinau bilong mipela. Dispela em i wanpela sore we tru long lukautim kantri. Dispela em i wanpela krangi we bilong mekim pablik wok. I mobeta long mekim pipel i stap bihainim hamas mani ol i gat, na i no long sindaun long mani ol i nogat.

Na taim yu lukluk long wol, yu ken luksave olsem ekonomik bihain taim i no gutpela.

Las tupela yia em tupela bikpela ekonomi, em Gris na Spen, na ol samting Yuropien Yunion i mekim long stretim tupela i no orait long pipel bilong dispela tupela kantri.

Taim yu rit namel long ol lain long ol komentri i kamap long traim tok klia long wanem samting i kamap long dispela tupela kantri, bai yu lukim olsem ol gavman i wok long dinau mani long holim ol nesenel baset bilong ol, na long sait bilong lokol prodaksen, long planti yia, i nogat tru.

Na long ol pipel, stori i wankain tasol. Ol i wok long sindaun long ol plastik kredit kat, we ol i yusim tripela o foapela kad long dinau long wanpela kat na peim narapela.

Dispela pasin i wok kamap olgeta de.

Olsem na sapos yu lukluk long baset bilong dispela yia, yu bai luksave olsem fainensal sistem bilong kantri bilong yumi i no inap long holim kain bikpela

baset olsem, taim dispela kain mani i no stap long kantri. Samting we i pret moa, em dispela em i wanpela defisit baset, na mak bilong defisit em samting olsem K2 bilian. Tasol tru tru, dispela baset bai go antap inap long K7 bilian.

Na wanem em i stori bilong strong bilong mipela long sevisim o inapim ol dinau bilong yumi? Mipela i bilip olsem dispela baset i mekim planti giaman luksave long kamapim wanpela naispela piksa, tasol tru tru ekonomik sindaun bilong yumi long sapatim, i no stap. Em i klia olsem ol i mas tingting pinis long wanpela saplimentri baset. Em nau, bai mipela i wet tasol long harim wanem toktok ol bai givim long yumi.

Long narapela sait, i luk olsem i gat wanbel tingting na bilip long wanpela gres priet o malolo taim inap long 30 mun pastaim long wanpela mosen bilong nogat bilip long gavman i ken kamap. Em i orait.

Taim yu lukluk long wanem samting i kamap bipo, we gavman i holim ol memba long disisen bilong ol long sapatim wanpela gavman aninit long Ogenik Loa long Politikal Pati na Kandidet, em O'Neill na ol lain bilong em yet i bin spit i go long Suprim Kot long diklerim sampela ol provisen bilong dispela loa, olsem em i no bihainim konstitusen.

Sapos yumi bin larim dispela loa i stap, O'Neill bai no inap pinisim 5-pela yia kontrak bilong en. Em i seksekim olgeta samting, na wokabaut tasol i go insait gen long paia. Em i stap long em yet nau.

Namba wan ADOC trena grup i greduet ...Fri kompyuta skul givim sans

Veronica Hatutasi i raitim

WANPELA kompyuta trena grup i wok long givim save long ol grasrut manmeri insait long siti, na tu, ol narapela moa long lainim save long yusim kompyuta na intanet.

APEC Dijitel Oportuniti Senta o ADOC long Yunivesiti bilong PNG (UPNG), Waigani kempus em dispela skul.

Skul ya i kam aninit long Skul bilong Humenitis long UPNG.

Na as tingting bilong skul em long daunim mak bilong ol manmeri i no save long yusim kompyuta na intanet, na givim ol skul long lainim ol dispela masin.

Wanpela gutpela samting tu, em skul i fri, nogat peimen long skul kompyuta ol manmeri i kisim save long en.

Dispela trena grup i kamap wantaim sapot helpim long Ripablik ov Saina long Taiwan (ROC) Tred Misin (ROCTM) long Pot Mosbi, PNG, bikos em bin laikim ol pipel bilong dispela kantri na moa yet, ol turangu lain long kisim save long ol besik kompyuta skil.

Ol bin lonsim o statim ADOC Trena grup long UPNG, Waigani long mun Julai las yia. Tasol narapela wankain skul i stap long Yunivesiti ov teknoloji long Lae, Morobe Provins.

ROCTM nau i patna wantaim UPNG na Dipatmen bilong Infomesen na Komyunikesen na ranim dispela ADOC trena grup long Ats Fakalti bilding long UPNG.

Stat yet long mun Julai las yia i kam inap nau, 1,300 man na meri we 737 em ol man na 477 em ol meri, i greduet pinis.

ADOC program i bin kirap bihaim wanpela bung bilong ol Esia, Pasifik Ikonmik Korporen (APEC) kantri long

yia 2005. Long dispela bung, wanpela long ol samting ol bin toktok long en em long infomesen teknoloji, kompyuta na intanet olsem ol nupela rot long salim ol toktok i go na i kam. Na ol bikpela senis i wok long kamap long wol tude bikos long ol dispela nupela rot na masin bilong komyunikesen.

Maski ol nupela teknoloji na senis i wok long kamap, sampela kantri na ol pipel bilong ol na moa yet, ol kantri i wok long groa na ol dispela i stap long turangu mak, i no save long yusim ol dispela masin. Na bung i bin tok orait long helpim sampela ol dispela kantri we i lukim ADOC program i kamap.

Long las wik Fraide, namba grup bilong ol trena husat bai go aut na trenim o skulim ol narapela, i bin greduet long ADOC UPNG senta.

Bosman bilong ROCTM, Daniel Hu, taim em i givim luksave long kodineta bilong senta, Philemon Yalamu, long gutpela wok em i mekim, i bin tok ol bikpela samting i savew stat long ol liklik samting.

Na ADOC bai go het long givim moa save long ol lain i painim gutpela bihain taim.

Long ol lain i bin pinisim Trena bilong ol Trenas trena grup, "mi tok amamas long yupela i pinisim wanpela wik trena grup kos na bai yupela i helpim ol narapela lain husat i no laki olsem yupela.

"Dispela trena bilong ol Trena grup long UPNG ADOC senta em i bikpela samting. Em i mak olsem senta i redi nau long muv i go long narapela level na moa pipel husat i no gat sans bai kisim save long mekim samting.

"Mi bilip olsem save we yupela i kisim long Adoc Senta long UPNG bai mekim ol PNG lain i sanal long wankain level na gutpela bi-

hain taim," Mista Hu i bin tok.

Em bin tok ADOC Sekreteriet long Sainis Taipei bai skruim wok wantaim ol APEC ikonomi we PNG i wanpela long ol, long olgeta manmeri unsait long ol APEC kantri i ken gat save long ol nupela rot long komyunikesen na teknoloji.

Em bin tok tu olsem wanpela bikpela samting we ol atoriti i mas lukluk long en em long givim trena grup we ol manmeri inap gat mani long baim na go long en, na publik praivet patnasip.s

Bos bilong Humenitis Skul, Profesa Betty Lovai, taim em i amamas long Kodineta Yalamu long gutpela wok em i mekim, i bin tok ol bai go het long ranim ol kos bikos long g tude, yumi yusim kompyuta na intanet long laip na wok olgeta de.

Em bin tok ADOC senta ya i wok long helpim ol grasrut, givim profesenel trena grup long sampela ol akademik o woklain na ol tisa bilong UPNG na ol narapela lain moa.

Long makim Dipatmen bilong Infomesen na Komyunikesen, Sekreteri Kora Nou, i tok em i amamas olsem UPNG ADOC senta i stap long gutpela na seif hap, na kodineta i mekim gut wok.

Ol lain i greduet i tok ol i amamas stret long wokim kos bikos wantaim save ol i kisim nau, ol i ken yusim kompyuta, intanet na skruim save long dispela eria.

"Mi bin lukim long Kundu TV olsem ADOC senta long UPNG i givim fri kompyuta na IT skul na mi kam.

"Em i bikpela samting long mipela ol grasrut lain long skul fri na kisim save long yusim kompyuta, email, intanet na moa.

"Mi bilip olsem dispela save mi kisim long ADOC skul bai helpim mi long wok long haus, wokples na liklik bisnis bilong mi," Emma Steven bilong Gordons i tok.

Bikhet pasin bilong spak na jeneresen kamapim birua

BIKHET pasin bilong ol sumatin long dispela taim i wok long kamapim hevi na dai, na long las wik Fraide, wanpela sumatin bilong Bugandi Sekonderi skul long Lae, Morobe provins i dai pinis.

Mekim tu na ol i kenselim o bai no inap holim ol greduesen seremoni long Bugandi Sekonderi long pinis bilong g yia we i kamap klostu taim.

Insait long las tripela yia, ol hevi long ol sampela sekonderi skul sumatin long Lae i bikhet pait na kamapim hevi i go bikpela na i moabeta long ol atoriti i wokim samting long stretim ol dispela hevi.

Ol ripot i kamap long dai

bilong Daniel Passingan em i hapkas Nu Ailan na Is Nu Briten, na wanpela Gret 11 sumatin bilong Bugandi Sekonderi skul i dai long Fraide bihainim wanpela pait namel long ol sumatin bilong dispela skul yet.

Ol ripot i tok ol sumatin i bin spak na pait. Na wanpela sumatin grup i bung paitim wanpela sumatin tasol na narapela i bin laik helpim kasen bilong em ol i bung pait long en, na ol i kilim em i dai.

Ol ripot i tok tu olsem dispela pait i kamap bikos long jeneresen kalt wok.

Ol ripot i tok skul pait long Morobe provins long dispela yia em i nogut stret bikos long bikhet pasin bi-

long ol sumatin.

Ol ripot i tok tu olsem bai nogat skul greduesen long Bugandi bikos long dispela hevi na pait.

Long las tripela yia, ol skul long Nesanel Kapitel Distrik i stap gut na nogat pait pasin na jeneresen kalt i wok long kamap.

Dispela em long gutpela wok bung namel long ol papamama, ol skul atoriti, gutpela tok skul o kaunseling, bung na ol toktok wantaim ol papamama, na ol kain rot moa olsem.

I moabeta nau long ol distrik na provinsel edukesen atoriti i mekim strongpela samting long stopim dispela kaim namel yet long ol skul sumatin i mas pinis olgeta.



SAVE LONG JAPAN: Ol dispela sumatin bai go skul long Japan, tasol pastaim ol i go, ol i skul long tupela wik long kisim save long kalsa na laip long Japan. Foto: Embasi bilong Japan

Kuzina projek strongim pasin pren

David Bill Leo (UPNG janelisim sumatin) i raitim

KUZINA Projek (Strongim pasin pren) em i givim sapot mani long 22 sumatin wantaim kodineta bilong ol husat i stap insait long tupela wik stadi raun long Japan.

Namba tu sekreteri bilong Publik Infomesen na Kalsarel Afes seksen long Japan Embasi, Shinichi Matsumura, i tok long orientesen o givim infomesen long Japan long ol dispela 22 sumatin long las wik tride long embasi bilong Japan long Pot Mosbi.

"Taim yupela i go kamap long Tokyo, yupela mas makim Papua Niugini (PNG) na ting olsem yupela em ol liklik embeseda bilong PNG.

"Yupela bai i bungim ol niuslain bilong Japan olsem na mi lakim yupela i mas stap olsem mausman bilong PNG," Mat-

sumura i tok.

Em i tok olsem Kuzina em i nupela projek em Gavman bilong Japan na Yunivesiti bilong Saut Pasifik (ESP) i kamapim long bungim olgeta yut bilong Pasifik Ailan kantri long wok poroman wantaim.

As bilong dispela projek em long kamapim poroman namel long ol yut bilong ol Pasifik Ailan kantri wantaim Japan na lukautim interes i wok long go moa yet insait long wanwan na arapela bai i givim save long nambawan.

Na tu, dispela projek i promotim save bilong painim aut ol wok bihain long bikpela graun guria na sunami i bin kamap long 11 Mas 2011 na bagarapim sindaun bilong planti pipel bilong Japan.

Mista Matsumura i tok klia olsem Kuzina em i minim strongpela pasin pren i save stap insait long ol bisnis,

kalsa, envairomen, edukesen, spot na ol niuslain.

Dairekta bilong Sumatin Welfe na Dvelopmen long UPNG, Mis Garua Kolishpeni, i tok tenkyu long Gavman bilong Japan long statim dispela projek we em i ken holim strong ol yut long ol Pasifik Ailan kantri long wok bung wantaim.

"Makim maus bilong ol sumatin na Yunivesiti bilong Papua Niugini (UPNG), mi gat bikpela amamas na tok tenkyu long Gavman bilong Japan long sapotim dispela tupela wik stadi wokabout i go long Japan," Kolishpeni i tok.

Olgeta sumatin long UPNG na wanpela tasol i kam long Yunivesiti bilong Teknoloji long Lae i stap long Kuzina Projek. 12-pela em ol man na 11-pela em ol meri wantaim kodineta meri long UPNG. Ol bai lusim Pot Mosbi Jackson's ples balus long Disemba 1, 2012.



ADOC GREDUESAN: (Long baksait) Ol 11-pela manmeri i greduet na (Long fran) ol patna long dispela ADOC Projek long UPNG, ROCTM na DIC. Foto: UPNG Publik Rilesens



GREDUESAN TAIM: Klostu em i taim bilong skul malolo na ol Gret 8, 10 na 12 long planti skul i wok long mekim ol skul greduesen bilong ol. Long las wik Fraide, Karr Memoriel Skul long Nesanel Kapitel Distrik i bin holim Gret 8 greduesen bilong em. Tupela kasen hia, Kimberly Bernard na Tyron Polomon, i bin stap namel long ol sumatin i pinisim Gret 8 bilong ol na greduet. Bikpela samting nau em long wetim ofa bilong ol long mekim Gret 9 o nogat. Foto: Nicky Bernard

Ol meri loya na mejistret i gat nupela asosiesen

BAI gat moa helpim long ol meri na mama i save kisim bagarap long ol hevi i save kamap long haus bilong ol, na tu, long lukim olsem ol meri i sanap long wankain level olsem ol man bi-hainim kamap long nupela asosiesen bilong ol meri loya.

Long las wik, ol meri loya na mejistret i bin lonsim wanpela nupela asosiesen ol i kolim lon g PNG Judisel Wimens Asosiesen (PNG JWA).

Samting olsem 17-pela meri distrik kot mejistret na tupela nesenekot jas i stap insait long dispela nupela asosiesen.

Australia, aninit long PNG-Australia Loa na Jastis Patnasip i bin givim K70,000 long sapotim lons bilong PNG JWA.

Ol bin holim tu wanpela semina tu long famili na seksuel vailens na

jenda (man na meri) hevi ol kot i save bungim long en.

Ol bin toktok tu long Famili Proteksien Bil o loa bilong lukautim ol familina ol keis stadi long ol Interim Proteksien Oda na rot we ol i ken yusim dispela long edresim ol nits o samting we ol lain i kisim hevi na ol pikinini bilong ol i laikim.

Bosman bilong AusAID long PNG, Stuart Schaeffer i tok "ol meri mejistret na loya i mekim bikpela wok long helpim, strongim na lukautim ol meri long PNG.

PNG JWA bai helpim sapotim judisel na mejisteriel trening we bai helpim ol kot long sait bilong jenda,

famili na seksuel vailens, o ol hevi na pasin nogut ol meri i save bungim insait long famili na ausait.

Interim Presiden bilong PNG JWA na sinia majistret, Rosie Johnson i tok wanpela long ol bikpela eria we mama loa bilong PNG JWA

i luksave long en em long kontributi i go long long jenda ikwaliti na rrausim pasin bilong paitim na bagarapim ol meri long ples bilong wok, ol kot na kantri.

"PNG JWA i wok strong long lukim olsem loa i ron gut na kari-

maut ol wok long kamapim sosaiti we ol man na meri i sanap long wankain level na kisim wankain luksave. Na helpim ol pipel we nogat lain i save bisi long ol," Ms Johnson i tok.



LONS: Minista bilong Komyuniti Developmen, Loujaya Toni i lonsim PNG JWA Asosiesen. Poto: AUSaid midia

Sapotim ol CPL meri resis wina

Veronica Hatutasi i raitim

ASKIM i go long olgeta lain i bin stap long Pride ov PNG Awot (PoPNGA) bilong 6-pela wina long sapotim ol dispela wina na ol pastaim lain long ol wok ol i mekim long strongim ol narapela meri bilong dispela kantri.

Gavana Jenerel husat tu i Petron bilong PoPNGA, Se Michael Ogio, i tok olsem long las wik Fonde nait taim ol bin holim seremoni long Palamen Haus bilong givim ol luksave awot i go long 6-pela wina meri bilong 6-pela kategori o level we Siti Famasi Limitit (CPL) i putim resis long ol meri long ol komyuniti na ol rurel eria bilong kantri. Dispela em ol meri husat i mekim ol gutpela wok, tasol ol i no save kisim wanpela luksave.

Se Michael i bin autim sampela ripot long ol meri insait long sampela kantri long Pasifik we PNG i wanpela long ol we pasin bilong paitim na bagarapim ol i givim ol hevi na ol i no go insait long ol wok developmen, politiks, sosel na iekonomik laip bilong PNG.

"Bai sosaiti bilong yumi i kisim ol gutpela samting sapos ol i mekim wok na i no long kisim helpim long ol bagarap ol i kisim. Strongim ol meri long sait bilong edukesen, wok na mama long ol samting bai mekim ol i gat pawa long kontrolim envaironmen ol i stap long en, na kontributi i go long iekonomik, sosel na politikel developmen bilong dispela kantri," Se Michael i tok.

Ol meri na ol eria we ol i bin kisim ol luksave awot long ol em:

Breveri na Karij o Strongpela Meri awot em Sister Rose Tsiroats, em wanpela nening sister bilong Bogenvil, i bin kisim.

Sister Tsiroats i bin luksave long ol wok em bin mekim long lukautim gut ol woklain husat i bin wok long taim bilong Bogenvil pait i kisim pe n tu, helt sevis i go het, maski pait i stap.

Yangpela PNG Meri awot i bin go long Jessica Wape bilong Morobe



OL WIN MERI: Gavana Jenerel Se Michael Ogio na meri bilong em, Ledi Esmie, bosman bilong CPL kampani grup, Mahesh Patel wantaim ol lain i kisim 2012 PoPNG Awot. Poto: Nicky Bernard

Provins husat i bin soim kwaliti lidasip stat long taim em i wanpela sumatin yet long Grace Memoriel Sekonderi Skul long Lae, Morobe Provins i go long taim em i kamap siapen bilong Helt Menesmen Dipatmen Open De long Divain Wod Yunivesiti (DWU). Em i raitim sampela ripot i karamapim ol meri, na i bin kamap long DWU helt niusleta i save kamap insait long wanpela mun.

Tu, taim em i skul long Grace Memoriel, em bin soim strongpela lidasip long akademik na spota sait taim em i kisim daks prais long saiens, lidasip awot olsem het gel bilong skul na tupela gol medol long sotput na fil iven long Morobe Atletiks Asosiesen resis.

Linda Passingan bilong Is Nu Briten i bin kisim Envaironmen luksave Awot long fomim Is Nu Briten Sotel Eksen Komiti o ENBSEK). Ol bin fomim dispela NGO long 1988 na nau, meri ya i dai pinis. Tasol wok bilong em i stap strong yet we

man na pikinini bilong em i wok strong long em yet.

I no long taim i go pinis, ENBSEK i bin karimaut strongpela awenes na pulim planti memba na ol Palamen memba lon g tok nogat long sibet o aninit long solwara maining long ol nambis na ailan provins.

Awenes i bin pulim planti tausen signetja i sapotim agensim bilong dispela kain maining long PNG.

Christine King bilong Is Nu Briten i kisim Edukesen Rol Modol luksave awot long wok em i mekim long statim wanpela skul taim em i lukim olsem planti sumatin i stap nating, na i no go long skul bikos ol i nogat skul fi na tu, skul i stap long we.

Em i statim skul long haus bilong em, na nau em i save skulim ol pikinini krismas bilong ol i stap namel long 7 i go long 10-pela yia. Em no save kisim pe long skulim ol pikinini na ol pikinini i no save baim skul fi.

Maski em i no kisim pe, tingting

na wok bilong em i strong long lukim olsem ol pikinini i kisim gutpela skul pastaim ol i go long ol elementeri na praimer o ol bikpela skul.

Komyuniti Spirit awot i bin go long Kauna Pfeifer Girua husat i wanpela vokesenel tisa bilong Simbu Provins, tasol em i pinis na kirapim wanpela sapot grup ol i kolim long Kugl-Yani long Simbu yet. Ogenaisesen i save helpim ol meri na komyuniti wantaim ol sevis olsem adal literesi, wara saplai, mobail katering, somap, komyuniti helt na haijin, grup planim ol flawa long sait bilong rot na wokim mentenens long ol gaden.

Las long ol em nem i save pairap planti long sait bilong helpim ol lain i gat HIV na AIDS. Em long Tessie Soi, meri husat i go pas long Friends Foundation.

Tessie i tok HIV na AIDS olsem ol narapela sik, tasol em i nogat marasin long mekim ol lain wantaim dispela sik i kamap orait. Em i

tok taim yumi rausim pasin we pipel i rabisim o lukluk nogut long ol lain i gat sik HIV na AIDS, sik ya bai kamap olsem tasol ol narapela sik.

Long Friends Foundation, ol i save kolim ol lain i gat sik AIDS ol poroman, na i no long narapela hap.

Tessie i tok ol dispela lain i olsem ol narapela manmeri tasol i nogat marasin long pinisim sik bilong ol.

Em i tok em bin kirapim dispela ogenaisesen bikos em i lukim olsem Pot Mosbi Jenerel Haus sik i nogat inap risos long lukautim ol AIDS siklain.

Tessie i save helpim ol siklain wantaim ol bas fea na kaikai taim ol i go lukim em bikos ol i nogat o ol i sot long ol dispela samting.

CPL kampani grup i statim dispela awot sistem bilong ol meri olsem hap long sosel komyuniti projek na nau, ol narapela midia ogenaisesen olsem Pos Kuria, PNG FM na Air Niugini i givim sapot long ol.

Salvesen Ami Sios kisim luksave

... Bos bilong ol lukluk raun long PNG

Veronica Hatutasi i raitim

LUKSAVE i go long Salvesen Ami Sios long gutpela wok ol i mekim insait long Papua Niugini (PNG), moa yet, long helpim na lukautim ol manmeri bihain long ol bikpela birua.

Na toktok i go long ol (Salvesen Ami) long go hetim ol gutpela wok bilong ol.

Deputi Praim Minista, Leo Dion, i tok olsem long las wik Fonde insait long bung kaikai long Stet Fansen rum bilong Palamen bilong tok welkam long hetmeri long moa long 1.7 milian sios memba insait long 125 kantri long wol, na 10,000 sios memba long PNG, Jenerel Linda Bond i bin stap long kantri long tripela de.

As tingting long Jenerel Bond i kam long PNG em long lukim ol sios memba bilong em na wok we sios i mekim

long dispela kantri.

Taim Mista Dion i luksave long wok bilong ol Salvesen Ami long taim bilong ol bikpela birua long kantri na gutpela wok menesmen bilong ol, em bin tok provins bilong em long Is Nu Briten i save kisim planti bikpela birua na Salvesen Ami i save stap hariap long ples bilong birua na givim helpim long ol manmeri na pikinini.

"Salvesen Ami long PNG i save mekim bikpela na gutpela wok na mi askim yupela long skruim strong ol gutpela wok yupela i mekim.

"Long planti taim, provins bilong mi i save stap long ol bikpela birua olsem gurua, maunten paia na long dispela yia, sip MV Kwin i bin go daun long solwara na moa long 300 manmeri na pikinini i bin dai. Na yupela ol Salvos i bin kamap hariap na mekim ol gutpela wok long helpim ol pipel i kisim bagarap.

"Skruim wok yupela i save mekim gut na dispela em long sevim pipel.

"Mi welkamim Jenerel Linda Bond na gutpela stap long dispela kantri" Mista Dion i tok.

Jenerel Bond i bin stap long tripela de bung bilong ol Salvesen Ami long PNG i bin stat long Fraide Novemba 23 na pinis long Sande Novemba 25.

Long dispela taim tu na long pinis bilong bung long Sande Novemba 25, ol sios memba long bung i bin kam long olgeta hap bilong PNG olsem Hagen, Lae, Kainan tu, Sepik, Wes Nu Briten, Popondetta, Simbu, Jiwaka na Sentrel Provins i bin tok tenkyu na gutbai long namba wan man PNG long kamap olsem hetman bilong Salvesen Ami sios long PNG, em Komisina Andrew Kalai.

Dispela bung i bin lukim tu ol bikman bilong sios i kam


long Amerika, Solomon Ailan, Australia, Holan na London.

Komisina Kala ii bin mekim histori taim em i kisim wok olsem hetman bilong sios long PNG. Pastaim, ol ovasis lain tasol i save holim dispela wok long PNG.

Salvesen Ami Sios i stap long PNG moa long 50 kris-mas, bihain long namba wan misinari bilong London, William Booth, i bin kam na kirapim sios long kantri long Me 1878.

Sios i stap long olgeta hap bilong PNG na em i save mekim spirituel na sosel wok, na tu, long helpim pipel long taim bilong ol bikpela birua.

Wantaim het tok we misinari Booth i bin kamapim, "Lewa i go long God na Han i go long ol man", Salvesen Ami i go het long helpim ol komyuniti wantaim ol program bilong ol.



Jisas Krai i King

INSAIT long Lotu Katolik, nupela yia bilong Lotu i stat long namba wan Sande bilong Adven, bihain long bikpela pestode bilong Jisas Krai i King. Long 25 Novemba 2012 em i Sande bilong Jisas Krai i King.

Long histori bilong planti kantri, man i kamap king sapos em i bin soim em yet i narakain wantaim manmeri bilong em. Em i man i bin lidim na winim pait wantaim narapela kantri, em i wanpela waria. Em i man i gat gutpela na stretpela tingting (*Wise man*), i helpim planti manmeri long stretim hevi. Manmeri i gat wari na hevi kam long em, em i givim gutpela na stretpela tingting long stretim hevi bilong ol. Em i gat planti savelong bringim senis long laip bilong komyuniti o kantri. Save bilong em i mas winim save bilong olgeta manmeri. Manmeri i save amamas long harim na bihainim tok bilong em.

Long yia 1998, i gat bikpela hevi i kamap long Indonesia. Manmeri i les pinis long Presiden Soeharto i bin bosim Indonesia long 32 yia. Planti manmeri i karim hevi na laip bilong kantri i bagarap olgeta. I gat kraisis o hevi long lidasip. Olsem na ol sumatin bilong yunivesiti long olgeta taun na siti i lgo pas long ol demonstresen long rausim presiden.

Mi bin stap long Jogjakarta, long midel o namel Java, wanpela spesel siti long Indonesia. Maski mipela i gat presiden, tasol Jogjakarta i gat King o Sultan bilong ol yet. Pipel i save rispektim o givim luksave long en bikos em i gat gutpela na stretpela tingting. Long taim bilong demonstresen, planti manmeri i joinim ol yunivesiti sumatin na sampela i bagarapim ol samting bilong stet. Sultan/King i harim dispela na em i go long ples i gat trabel. Olgeta i stop na harim toktok bilong em. Em i tokim ol long stop na bihainim em i go long alun alun o stadium. Long stadium em i autim gutpela tingting long ol.

Wanpela de bihain, bikpela demonstresen i kamap long olgeta taun na siti long Indonesia.

Long Jogjakarta, olgeta yunivesiti na manmeri i mas long 4-pela kona bilong siti na bung long Alun alun (bikpela stadium) long fron pales (palace) bilong Sultan/King.

Pawa bilong ol sumatin na pipel long dispela de i win tru, olsem na Presiden Soeharto i risain na lusim pawa bilong em olsem presiden.

Manmeri i harim na bihainim tok bilong Sultan/King bikos em i gat planti save, i gat gutpela na stretpela tingting long helpim manmeri long stretim ol hevi bilong ol.

Katolik Sios i selebretim Jisas Krai i King bilong heven na graun.

Wanem kwaliti bilong Jisas i soim olsem em i King? **Namba wan:** Jisas i King bikos em i bin winim sin na indai. **Namba tu:** Jisas Krai i biringim Reform/senis long wol wantaim skul bilong em i kontrovesial stret wantaim laip bilong manmeri. Skul bilon reform bilong Jisas; **"LAIKIM OL BIRUA NA PREA LONG OL MANMERI I MEKIM NOGUT LONG YU"** (Mt. 5: 44). **Namba Tri:** Krai i inapim ol komitmen bilong em inap long indai long diwai kros. Maski em i karim bikpela hevi antap long diwai kros tasol em i gat taim yet long pogivim sin bilong man i hangamap wantaim em long diwai kros. Kingship bilong em i no wanpela politikel king.

Jisas i King bilong Love o Laikim pasin. Long sait bilong em, wara i ran na wasim olgeta sin manmeri i kamap klin. Blut i kapsait long olgeta sua bilong em i mekim manmeri i fri long indai.

Laip bilong yumi no pinis long dispela graun. Blut bilong asua bilong Jisas i senisim laip bilong yumi. Faithfulness o mekim ol samting we emi mas mekim, i mekim manmeri i nogat namba o manmeri nogut, i gat namba long ai bilong God. Sakrifais bilong em i helpim yumi inap long lukim **DUA BILONG KINGDOM BILONG GOD**. Bai yumi wokabaut na putim ai bilong yumi long dua bilong Kingdom bilong heven, inap yumi go insait long en. Amen



BUNG BILONG OL BIMAN: Bosman bilong olgeta Salveson Ami Sios memba long wol, Jenerel Linda Bond, i bungim Hai Komisina bilong Australia, Ian Kemish na stori wantaim em. **Poto: Nicky Bernard**

ELC Yabim Distrik i hostim Krai long Kalsa'progrem

Paulus Tali i raitim

EVANJELIKAL Luteran Sios (ELC/PNG) Yabim Distrik yut i bin lukautim bikpela yut Krai in Kalsa program so long las wik.

Dispela program i luk luk long wanpela rot bilong bringim ol yut i bung wantaim na save moa long ol yut bilong ELC Yabim distrik husat em ol yangpela bilong tude insait long sios ministry.

Kodineta, bilong Yabim distrik yut, Araba Saiai tok as tingting bilong Krai in Kalsa em i bilong bungim ol yangpela na ol bai lusim ol samting bai bagarapim laip na sindaun bilong ol olsem ol strongpela dring, ol spakbrus olsem mariwana samting.

Kodineta Saia i tok ol yut bilong namabis bilong Finsafen, Yabim Seket, Bukawa, Lae siti, na i go olgeta long Malolo seket, Wampar na Kaiapit i bin go bung long Kraist in Kalsa program bilong ol yangpela bai kamap long las wik



REDI: Ol Siassi Ridima yut i redi long kamapim wanpela pilai long tripela de Yut in Kalsa progrem so progrem bilong ol Morobe provins. **Poto: Paulus Tali**

Fraide Novemba 23 na pinis long Sande, Novemba 25.

I bin gat get fi sas we ol manmeri i bin baim long go insait, na dispela bai helpim long sapotim wok yut bilong long Yabim, Distrik.

Ol wan wan yut grup i kam long wan wan ples i bin putim

kamap ol kain kalsa na tu, ol pilai ol pilai bilong Buk Baibel i makim wok ministri bilong yut insait long sios i mas go het.

Ges spika em Ben Woo, em papa bilong PC Woo stoa long Lae taun na tu, strongpela bisinis man husat i save sapotim gut ELC PNG.

Narapela em long nesenei yut dairekta bilong ELC PNG, Faen Mileng.

Tupela i bin witesim dispela progrem bilong ol yangpela, na tokim ol long yut ministri bilong sios inap kamapim gutpela sindaun bilong ol yangpela.



WANTOK
KOMENTRI
Ol birua bilong yumi

BIHAIN long 37 krismas, ol namba wan bikpela bikpela birua bilong yumi, em ol sik yet.

Sik HIV/AIDS, em i stap yet olsem namba wan bikpela birua ol strongpela manmeri bilong yumi i gat nau.

Planti long ol bikmanmeri bilong yumi long kantri, i wok long dai klostu klostu, na yumi save harim olsem ol i dai bihain long sotpela sik, o longpela sik.

Yumi save harim tasol olsem ol i save lusim kantri i go ovasis long kisim tritmen, na ol i save kam bek long pulim las win tasol.

Planti taim, sik AIDS i stap long as long sik ol i kisim.

Helt sistem bilong yumi i wok long bungim bikpela salens nau long traim inapim ol sik olsem HIV/AIDS, sik Tuberculosis o TB, na sik malaria tu i wok long strong gen.

Sik kensa em i narapela birua bilong yumi.

Planti yangpela meri, husat i stap helti, i wok long bungim birua bilong sik kensa bilong susu, o sik kensa bilong bilum bilong pikinini.

Yumi save kisim planti mani halivim i kam long ol ovasis gavman na dona ejensi. Tasol olgeta dispela sik i stap yet.

Kain kain wok awenes i wok long kamap, na planti moa wok bilong givim stia tok long abrusim ol dispela sik i wok go aut.

Tasol ol i stap yet.

Na namba wan as long ol i stap yet, em bikos yumi yet ol pipel na manmeri i save long dispela sik, i no laik tokaut long ples klia, olsem dispela ol sik i stap, na yumi mas luk-save long ol, bai yumi ken daunim ol.

I tru, kain sik olsem HIV/AIDS em i nogat marasin bilong en. Na em i tru olsem pasin bilong yumi ol manmeri yet i save strongim groa bilong dispela kain sik.

Tasol namba wan rot bilong daunim strong bilong sik AIDS, na long kipim ol manmeri i stap helti na strong, bilong lukautim kantri, em long givim ol Anti Retrovairal marasin. Dispela marasin ART, em i wanpela samting i wok long holim strong ol manmeri i sindaun wantaim HIV/AIDS, i stap strong.

Sapos dispela marasin i sot long kantri, yumi save lukim planti dai bilong ol manmeri long ol sik bilong HIV.

Dispela ol sik em TB, na ol arapela sik i go insait long bodi, taim banis bilong bodi i nogat strong moa.

Gavman i mas luksave long dispela hevi, na stretim kwik helt sindaun bilong yumi.

Sapos nogat, mipela bai bungim bikpela taim nogut stret long bihain, taim olgeta gutpela savemanmeri bilong yumi i lus nating.

Krismas kam klostu

Sape Metta i raitim

PLES i bin pas stret long taim Courts i bin opim nupela opereting senta bilong ol long Seigu rot long Goroka, tupela wik i go pinis.

Courts i bin muv aut long olpela senta long epot rot, na i go long taun eria long PNG Toner na Ink Bilding.

Ol lokol kastoma i pulim lain i go na kisim gutpela servis we planti samting, em prais i go daun tru long taim bilong opening.



Em nau, sans ya – ol kastoma i lukluk raun insait long nupela Courts senta long Goroka. Ol poto: Sape Metta



SINDAUN NATING? Ol kastoma i traim aut ol nupela kusen sia long taim bilong opening.

WANTOK
 Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
 Elizabeth Konga

Editor
 Neville Choi
 Published at
 Able Building Complex,
 Sec 58 Lot 02,
 Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Toktok i kam long David McLacklan-Karr- Un Residen Kodineta

Long makim Wol AIDS De, Desemba 1, 2012: Go painim Siro

Taim yumi wok lukluk long het tok long wol bilong Wol AIDS De dispela yia – **Getting to Zero: Zero new HIV infections. Zero discrimination. Zero AIDS-related deaths** – na tu het tok bilong PNG yet, **Zero HIV long PNG: Banisim famili bilong yu. Banisim yu yet. Testim blut bilong yu – em i bikpela samting long tokim mipela yet olsem em i moa long 30 yia pinis bihain long HIV sik i kamap, na moa long 34 milian pipel long wol i kisim HIV pinis, na klostu 30 milian pipel i dai long ol hevi bilong AIDS.**

Ol bikpela taget long 2011 Politikal Deklaresen

Tenpela yia bihain long bikpela 2001 Yunaitet Nesens (UN) Jeneral Asembli Spesol Sesen long HIV/AIDS (UNGASS), wok bilong en i kisim glasim long 2011 UN Jeneral Asembli Hai Level Miting long AIDS.

2011 Politikal Deklaresen long HIV, we ol UN Memba Stet i bin wanbel tasol na bihainim long Jun 2011, i makim ol nupela bikpela taget. Ol dispela taget em: hapim seksual transmisen bilong HIV, apim mak bilong rot bilong kisim antiretroviral terapi long kisim 15 milian pipel long dispela tritmen we i ken sevim laip, na banisim bai nogat moa mama i karim pikinini i gat HIV. Olgeta dispela mas kamap pastaim long 2015.

Dispela politikal deklasesen i makim klia nid bilong apim mak long ol rot bilong kisim ol HIV sevis bilong ol pipel husat i gat bikpela sans long kisim sik, em ol man husat i save slip wantaim man, pipel husat i save kisim drag long sut, na ol pamuk manmeri. Dispela Politikal Deklaresen i tok promis long rausim jenda inikwaliti, jendabes abius na vailens na long strongim ol meri na pikinini meri. Dispela ol wokmak i mas kamap kwik.

Win long Wol

Politikal lidasip na promis bilong strongim ol dispela wok-bekim long HIV i mas kisim luksave. Spid bilong ol HIV infeksens o nupela ol HIV kes long wol i go daun klostu 25 pesen namel long 2001 na 2009, na i soim olsem ol wok bilong bipo, na wok i go het nau, i wok long karim kaikai.

Tude, ol saveman i tok, ol nupela antiretroviral marasin i wok long tanim tait bilong dispela sik. Ol antiretroviral marasin i wok long daunim namba bilong ol dai long HIV long mak bilong 1.8 milian manmeri i dai olgeta yia, na i strongim klostu hap long 34 milian pipel husat i stap sindaun wantaim HIV/AIDS, long stap laip longpela taim moa na stap strong inap long mekim moa wok.

Long Me 2011, ol i painimaut olsem wanpela manmeri i gat sik, na i wok long kisim ol anti-

retroviral marasin i gat 96% liklik moa sans long givim binatang long patna i nogat sik yet. Wankain tasol, ol belmama i gat HIV na ol mama i wok kisim ol antiretroviral marasin i gat 95 pesen liklik sans long givim sik long bebi bilong ol.

Ol wok kamap long PNG

Wankain tasol, wok Papua Niugini i mekim na komitmen gavman na ol developmen patna i wokim i wok long karim kaikai. Antiretroviral terapi mak i go antap long olgeta hap bilong kantri long ol yia i go pinis, em i gutpela. I gat mobeta kodinesen, wok monitaring, iveluesen, na ol savelens sistem o rot bilong was bihainim; na moa wok long strongim karimaut bilong HIV na AIDS Menesmen na Privensen Ekt (HAMP Act 2003) na Nesanel HIV Strateji (NHS 2011-2015).

Long planti samting long dispela epidemic, PNG i wok long mekim gutpela wokbung, wantaim sapot i kam long ol developmen patna bilong en, wok ektivisim i kam long sivil sosaiti na wok bung wantaim i kam long planti ol sios ogenaiesen, we planti taim, ol i stap long fran bilong givim HIV banis na lukautim insait long ol komyuniti.

Luksave long ol salens na wok i go het

Tasol maski i gat ol gutpela wok i go het, PNG i noken slek. Planti ol bikpela salens i stap yet. Tritmen, maski em i mobeta, i dia tumas yet, na i nidim strongpela bihainim na gutpela ol sapot straksa, moa yet long ol nupela marasin. I nogat wanpela marasin bilong kilim o marasin bilong rausim dispela sik yet, na wok banisim em i namba wan rot bilong paitim dispela sik.

Moa long en, mani na sindaun long ples na ol pasin i stap yet, olsem ol seksual na pasin pait, i wok long givim rot bilong HIV i go bikpela moa yet long PNG. Wok bilong stretim olgeta ol dispela sosol luksave bilong HIV birua em i hat moa, bikos long kain kain kalsa long kantri na pasin bilong 'wanpela sais bai fitim olgeta' wok pasin i lus nating. Tasol bikos PNG em i wanpela kantri long Pasifik we i gat bikpela hevi long dispela sik, na bikos tupela long tripela Pasifik ailan manmeri i stap long PNG, kantri i mas go pas na soim rot.

PNG i kam longpela rot pinis long kamapim wanpela gutpela ples na sindaun bilong ol pipel i stap wantaim HIV. Oraitim bilong HAMP Ekt long 2003 em i bikpela wok kamap long dispela sait. Tasol PNG i gat o loa na ligel fremwok we i stap olsem strongpela banis long givim gut ol HIV sevis. Long pasin bilong mekim, ol dispela i no

bihainim stret pablik helt na ol humen rait astingting we HAMP Ekt i sanap long en. Ol i daunim gen ol bikpela loa banis, humen raits na ol wok banisim i stap insait long nesanel konstitusen, Nesanel HIV Strateji, Helt Plen, na HAMP Ekt.

Lukluk i go het, PNG i mas bihainim wanpela wok luksave we i apim sindaun bilong ol man long as bilong en, na luksave long namba wan gutpela rot bilong daunim dispela sik, em long luksave long rait bilong ol pipel husat i ken kisim dispela sik isi tru, na husat i ken givim dispela sik i go long moa manmeri. Dispela wok-bihainim i sanap long evidens long wol we i soim olsem ol humen raits vaiolesen, o pasin bilong no laik givim luksave, i save strongim groa bilong sik, na i no save daunim. Nogat gutpela rot bilong kisim infomesen na ol sevis i save mekim ol pipel ii si moa long kisim sik, na pulim luksave nogut long ol. Dispela i mekim ol i save les long kisim gutpela halivim na sevis, na i save lukim planti i save dai nating.

Las tru, mi laik pulim ai bilong yupela i kam long Nesanel Konsaltesen long Post-2015 Global Developmen Ajenda. PNG em i wanpela long 50 kantri ol i makim bilong karimaut ol Nesanel Konsaltesen, na taim yumi lukluk i go het, i gat bikpela sans bilong PNG long givim planti gutpela tingting long ol dispela nesanel paitim tok, ol polisi na strateji long strongim wok bilong painim bikpela wok-kamap bilong mipela long Getting to Zero: Zero new HIV Infections. Zero Discrimination. Zero AIDS-related deaths.



Mama wantaim ol yanpela pikinini bilong em putim retpela klos na wok-about long Wold AIDS De...



Ol papa, mama na pikinini i wokabout long tingim Wol AIDS De long 2011.



Toktok i kam long PNG Mausman bilong UNAIDS, Stuart Watson



LONG Jun 2011, 192 Memba Stet bilong Yunaitet Nesens i tok wanbel long ol nupela bikpela taget na komitmen bilong mekim AIDS wanpela birua bilong bipo.

Ol i tok wanbel long wok strong bilong daunim ol seksual transmision bilong HIV inap long 50%; long rausim ol nupela HIV infeksi-namel long ol pikinini; long apim mak bilong ol pipel i wok kisim marasin inap long 15 milian olgeta long wol; na long apim halivim mani long wanwan kantri long bekim hevi bilong HIV.

Ol wol lida i tok promis long inapim ol dispela ol mak pastaim long 2015, we i muvim mipela i kam klostu moa long visin bilong wanpela wol we i nogat nupela HIV infeksi-namel, nogat pasin diskriminasi long AIDS, na nogat dai long AIDS.

Tasol long "Painim Siro" long Papua Niugini, mipela i mas i gat wanpela bekim we i sanap long ol evidens i lukluk, na i bungim ol lain i nogat banis long sik, we em i wanpeal bekim we i gat inap sapot, na we i sanap strong long ol humen rait. Ol kantri husat i wok long wok long dispela save – em save we i wok – i wok long lukim gutpela kaikai bilong en. Bikpela wok i go het i kamap pinis, na i pruvim olsem yumi ken tanim dispela sik, na ol HIV tritmen na lukautim i ken go long ol lain i nidim stret.

Ol infeksi-namel ret i go daun long planti kantri insait long Asia Pasifik rijen, wantaim PNG, na moa HIV

banis i wok long lukim mobeta pasin bilong gat banis long taim bilong slip wantaim. I gat moa pipel i wok long kisim tritmen na dispela em i bikpela samting bikos evidens i soim olsem bikpela wok bilong HIV tritmen long daunim transmision.

Ol dispela wok i wok long sevim laip, i mas bung wantaim, i mas go bikpela moa, na i mas stap longpela taim. Tasol ol bikpela salens i stap yet.

I nogat inap HIV progrem bilong ol bikpela lain manmeri husat i nogat banis agensim HIV, olsem ol man i save slip wantaim man, ol pipel i save salim bodi bilong ol, ol lain i man na meri wantaim, ol yangpela i nogat banis, ol waira wokmanmeri, na pipel i bungim hevi long ol birua bilong mama graun, o birua man yet i kamapim.

Siksti pesen bilong ol pipel husat i ken kisim antiretroviral tritmen insait long rijen, i no save kisim na planti taim, Papua Niugini i sot long ol marasin insait long yia i go pinis, bikos i nogat gutpela menesmen, na sistem i no wok stret.

Sevis bilong banisim ol nupela infeksi-namel long ol pikinini i kamap gut moa long PNG, tasol i mas op moa yet, kisim moa sapot, na i mas stap strong.

Pasin diskriminasi na rabisim em i bikpela, na i kamap strongpela banis long planti manmeri husat i wok long kisim ol banis infomesen na risos, lukautim, tritmen na sapot.

Mipela i gat ol loa na polisi long

ol buk bilong Papua Niugini, na long planti kantri long rijen, we i save daunim AIDS bekim na rausim ol humen rait bilong ol komyuniti i sindaun wantaim dispela hevi, maski i gat planti bikpela ol tok promis na tok lukautim insait long mama loa bilong PNG.

Na ol lida bilong mipela i stap yet long sait bilong nesenel bekim na i mas soim komitmen aninit long ol Palamentri Komiti long HIV na ol arapela rot bilong inapim dispela driman na wok-mak bilong 'Getting to Zero'.

Olgeta dispela ol samting i kamap bihainim wanpela global ekonomik krais we dona mani bilong AIDS i wok long go daun, na nesenel mani na komitmen em i no klia yet.

Nau taim mipela i makim Wol AIDS De 2012 long Desemba 1, yumi mas luksave olsem mipela i sanap long hanbruk insait long nesenel na wol bekim long AIDS.

Gutpela bilong mipela bai nidim strongpela politikal lidasip, strongpela nesenel onasaip, na patnasip we bai bungim ol pipel i stap wantaim HIV na ol arapela lain manmeri i stap wantaim hevi.

Gutpela kamap bai nidim mobeta ol risos bilong HIV i lukluk long ol pipel na we i go long ol pipel husat i nidim moa, olsem ol man i save slip wantaim man, ol lain i man na meri wantaim, na ol pipel i save salim bodi bilong ol. Na dispela i no inap kamap sapos mipela i hait baksait long ol bikpela giaman tingting bilong famili, bilip, komyuniti na morality – em i ken

kamap TASOL insait long tingting bilong rispek na luksave bilong pasin bilong ol manmeri, na mekim ol disisen bilong senisim ol loa i wok pasim bekim long HIV we i wok rausim rait bilong sampela long kisim ol helt sevis, tritmen, na bikpela banis infomesen na sevis.

Gutpela wok kamap i minim opim rot bilong kisim ol marasin we i no dia tumas, rot bilong painim sik, na ol samting bilong banis olsem ol karamap bilong sem bilong ol man na meri, bikos planti yia bilong wol bekim long AIDS i soim olsem taim ol dispela samting i gat klia luksave, mak dispela sik i save go daun.

Gutpela wok kamap i minim mobeta bris wantaim na strongim helt sistem long lukim marasin i go long han bilong pipel stret, na tritmen, taim em i kirap, i ron gut na i noken pinis nating, na long mekim mobeta wok bilong bungim TB na ol arapela hap bilong helt sistem wantaim bekim bilong HIV.

Na moa yet, gutpela wok kamap i minim pinis long ol loa, polisi na wok pasin we i save strongim pasin diskriminasi, rausim rait bilong ol manmeri na daunim gutpela bekim long AIDS.

Olsem na sapos yumi bai go long "Get to Zero", mipela i nidim nupela wok bilip, mipela i nidim mobeta wokbung wantaim ol yangpela manmeri, mipela i nidim nupela na mobeta wokbung ausait long ol tumbuna pasin, na mipela i mas luksave long rait bilong olgeta manmeri, aninit long senis long

ol loa, na mipela i nidim ol pipel bilong kain kain wok na sanap bilong wokbung insait long nesenel bekim long HIV.

Dispela i ken kamap sapos ol pipel i skulim ol yet na ol wanlain bilong ol, sapos ol pipel i gat inap strong long painimaut HIV stetus bilong ol, bai ol lain i nidim tritmen na lukautim na daunim sans long givim sik long ol arapela, na long strongim nek bilong ol pipel bilong Papua Niugini bai wol i ken tok pait long ol bikpela luksave long Bihain Taim Yumi Laikim long pinis bilong ol Milenium Developmen Gol long 2015.

Long Wol AIDS De 2012, mi singaut long olgeta manmeri long Papua Niugini long strong na sanap long ol salens HIV i givim, na long bihainim ol sans mipela i gat long brukim ron bilong dispela sik.

Long bihainim sosol jastis na humen dikniti, yumi mas wokbung wantaim na sanap strong, larim mipela i mekim ol strongpela disisen, na larim mipela i kisim stia long ol evidens mipela i gat long inapim gutpela kamap long Getting to Zero new HIV infections, Zero HIV-related Discrimination, na Zero AIDS-related Deaths long Papua Niugini.

Moa infomesen na nius long Wol AIDS De, i stap long www.unaids.org na www.worldaid-scampaign.org, o yu ken sekim UNAIDS Papua Niugini long telepon namba 3217999.

No more babies born with HIV—the Mingende story

By Anna Awasa,

It's morning at Mingende Rural Hospital in Simbu Province of Papua New Guinea. In a light, airy room halfway down the corridor two women have just given birth. Both mothers are well, their babies plump, pink, wrinkled; one asleep, the other nuzzling at his mother's breast, already hungry.

Mingende is run by the National Catholic Health Services - Papua New Guinea. They run nearly a third of all the health services in the country. The four nurses on duty in this labour ward have stitched, set up drips, sterilised, weighed, cleaned up blood, administered antibiotics, painkillers, vaccines, checked temperatures, and urged a mother to "Push! push strong! bibiblongyubaikamklostu!" (Push! Keep pushing! Your baby is nearly here!), all before most people have breakfast.

Far from the bustle of the delivery room, another mother sits with her nine-month old daughter. They were admitted to the Hospital's paediatric ward a few days before. The baby's cry is weak and from head to toe she is covered with abscesses—in some places her skin has come completely away and her flesh is raw and exposed. Her mother finds it difficult to hold her, comfort her. The mother's eyes are anxious. She blinks away tears.

In the next few minutes the baby will undergo a dry blood spot test to check if she

has HIV.

Sr Eileen Alalo is the Coordinator of Mingende Hospital's Prevention of Mother to Child Transmission (PMCT) service. She explains:

"The baby has severe diarrhoea, and a number of other complications. She isn't responding to any of the antibiotics she was given. And the nurses noticed that her mother was also presenting with a couple of infections."

"They've already done the voluntary counselling with the mother, and a test, and the results came back positive." Sr Eileen continues, "It will take two weeks before we know the baby's status, but in the meantime we're going to start them both on antiretroviral therapy."

The baby has a 50-50 chance of surviving. The Hospital has had 11 similar referral cases since 2006. Out of the 11, eight babies are well and on treatment. Had their mothers tested for HIV in pregnancy and received preventative treatment, the babies could well have escaped infection.

The Catholics' sizeable HIV program is run by the Catholic HIV/AIDS Services Inc (CHASI) and supported by AusAID. Last year CHASI tested over 11,000 pregnant women at the 14 of their antenatal care facilities that offer prevention of mother to child services. Pregnant woman who test positive are started on a short course of anti-retroviral treatment and their babies are also given

some of the medication after birth. Those women whose immune systems are already weakened by the virus are continued on life-long antiretroviral therapy.

So far, at Mingende 62 babies, born to HIV positive mothers given the anti-retroviral drugs, have found to be free of HIV.

One of those babies was born to Marjorie (not her real name) just over two years ago. She found out her positive status when she attended the antenatal clinic when she was three months pregnant. She went onto the preventative short-course straight away.

"Naubebiblong mi ibiklapinis. Em stat long toktoknawokabout. Emi no sik. Misavelukimemnahamamastru. Nau mi bel ken, mi laikimsekenbibiblong mi bai no inapsiktu." (My baby's big now. She's starting to talk and walk. She doesn't get sick. I look at her and I'm so happy. Now I'm pregnant again and I want this baby to be well too.)

Fortunately for Marjorie she was in the 23 per cent of pregnant women in PNG who are offered an HIV test during antenatal



A nurse with a newborn baby at Mingende Hospital, one of over a thousand rural women who receive ante natal care and safe delivery.

care, and in a facility that also provided drugs to prevent transmission from HIV positive mothers to their babies. To help more women like Marjorie, Australia is supporting the Government of PNG and their civil society partners PNG Health and HIV Capacity Development and Service Delivery to increase the number of facilities which offer HIV positive pregnant women testing and treatment. There is still a long way to go to meet the global goal of zero infants born with HIV, but the Catholic HIV/AIDS Services have made a good start.

(Reprinted with permission of AusAID, first published at <http://ausaid.govspace.gov.au/2012/09/14/no-more-babies-born-with-hiv-the-mingende-story>)



ART marasin i sot yet long painim ol manmeri

BIKEPELA rot bilong kisim ol HIV marasin o Antiretroviral marasin i no go aut yet long planti ol eria long Papua Niugini. Dispela em i toksave i kam long ol HIV Positiv pipel netwok Yeinomga, Stewards of Life, Tru Prens na Tru Warriors.

Insait long ol wok etvokasi trening, UN Women, IGAT Hope na Hope Worldwide i mekim, ol i painim tripela bikpela hevi long sait bilong ol meri i stap sindaun wantaim HIV, em ART marasin i go

insait long ol ruel eria.

Christine Dee, Presiden bilong Westen Hailans Wimens HIV/AIDS Positiv Netwok, i tok olsem nogat luksave bilong ol nesenel helt sistem bilong kantri long ol pipel i stap wantaim HIV, em i no stret.

“Ol ART i mas go aut long olgeta lain husat i nidim; long ruel, long eben, na long olgeta hap long kantri.” em i tok.

Insait long las 18 mun, Papua Niugini i bungim planti sot long ol HIV/AIDS marasin, long foapela

taim olgeta. Na dispela hevi, em ol manmeri i stap wantaim AIDS i pilim long olgeta hap bilong kantri.

Kantri Kodineta bilong UNAIDS, Stuart Watson, i tok olsem ol dispela sot long stok i lukim bikpela groa long ol sik bilong HIV/AIDS, tritmen i no wok strong, na tu ol sikmanmeri i dai.

“Sapos gavman i no stretim kwik, ol sot long ART marasin bai lukim moa HIV sik i kamap, na helt bilong ol pipel i stap wantaim HIV bai go antap moa. Sistem nau i

wok long mekim dispela i kamap, i noken kamap gen,” em i tok.

Sista Opina, wanpela helt kea nes long Heduru Klinik, Pot Mosbi, i tok makim ol hevi long bodi sapos i no kisim ART marasin.

“Ol ART i save daunim viral lod bilong HIV (long sikmanmeri), na halivim banis bilong bodi long kamap strong gen. Sapos yu nogat ART, olgeta sik i ken kamap, na dispela i ken kilim man,” em i tok.

Nesenel Aids Kaunsil 2011 Fek sit i soim olsem long 2010, i gat

moa long 35,000 HIV sik i kamap long Papua Niugini.

Dokta G. Rath Meyer i bin raitim long wanpela PLOS Medikal Jenal; HIV Tritmen as Privensen olsem rot long kisim ART i save lukim manmeri i gat HIV i stap longpela taim moa, na stap helti, na tu, em i ken daunim groa bilong sik.

“Inap yunivesal ART kaveres bai lukautim pe bilong em yet taim em i wok daunim HIV long bodi bilong ol sikmanmeri,” em i tok.

OL WANTOK MIPELA OL MERI BILONG PAPUA NEW GUINEA HUSAIT I STAP WANTAIM HIV ASKIM LONG HALIVIM LONG WOKIM DISPELA SENIS BAI KAMAP:

- Marasin bilong daunim HIV mas stap long kilnk lo ples na haus sik long bikpela citi na taun.
- Ol man meri Husait istap wantaim HIV binatang Imas go pas long ol wok bilong lukautim, givim skul toktok, kisim marasin, wantaim ol narapela Halivim insait long haus sik na ol klinik.
- Pasin bilong tok baksait na bakarapim sindaun bilong ol man meri Husait I stap wantaim HIV mas stop.



Proudly sponsored by



**OL WANTOK MIPELA OL MERI BILONG PAPUA
NEW GUINEA HUSAIT I STAP WANTAIM HIV
ASKIM LONG HALIVIM LONG WOKIM
DISPELA SENIS**

BAI KAMAP:

- Marasin bilong daunim HIV mas stap long kilnk lo ples na haus sik long bikpela citi na taun.
- Ol man meri Husait istap wantaim HIV binatang Imas go pas long ol wok bilong lukautim, givim skul toktok, kisim marasin, wantaim ol narapela Halivim insait long haus sik na ol klinik.
- Pasin bilong tok baksait na bakarapim sindaun bilong ol man meri Husait I stap wantaim HIV mas stop.



Proudly sponsored by

I gat lait nau long ples tudak

Toktok i kam long Dokta Geoff Clark, Progam Dairekta bilong Helt na HIV -AusAID

WOL AIDS De em i gutpela sans bilong yumi long lukuk bek long ol senis bilong sik na bekim long en long PNG, na long wol.

Taim medikal saiens i wok long go het, i luk olsem i gat lait i kamap nau long ples tudak. Ol saientis i bilip ol i ken painim wanpela marasin, na insait long laboritri wok risets, ol i wok long lukim ol marasin i ken rausim olgeta HIV long bodi bilong man.

Tasol long muv long ol tes insait long ol laboritri, i go long traim ol marasin long ol tru tru manmeri, bai kisim longpela taim.

Long namel taim, ol anti-retrovairal terapi (ARV) marasin mipela i gat nau long PNG em ol 'mirakol marasin' bilong mipela we sapos yumi yusim stret, em i ken sevim laip na strongim bek bodi na

helt bilong man.

PNG i mas kisim luksave long gat wanpela long ol bikpela ret bilong ol pipel husat i nidim ART marasin long wol, husat i save kisim stret. Las yia, klostu 10,000 pipel i wok long kisim ART long PNG. PNG i mas kisim luksave tu olsem gavman i wok long peim ol marasin ol yet, na i no wetim ol dona long givim mani, olsem plan-ti ol arapela kantri long Esia Pasifik rijen.

I gat planti salens i stap yet long mekim ART tritmen i stap ples klia. Ol pipel i mas kisim wanpela tes pastaim, long sekim sapos ol i HIV positive. Sapos ol i positive, ol i mas toktok long wanpela helt kea wokman long go het wantaim tritmen, na taim ol i kisim tritmen, ol i mas kisim oltaim long stap helti.

Australia i bilip long sapatim gavman bilong PNG, na ol wan-wok bilong mipela long Nesenel AIDS Sekreteriet na Nesenel Dipatmen bilong Helt, long inapim ol dispela ol salens, moa yet insait long ol provins, we nau i wok long kisim taim wantaim bikpela kes lod olsem ol provins long Hailans rijen, na NCD. Long 2012, AusAID i givim mani long 17-pela ol sivil sosaiti ogenaesen long givim HIV na STI privensen na kea sevis, na ol sios ogenaesen olsem Katolik HIV/AIDS Sevises, Salvesen Ami, Anglikea na Baptis Yunion.

Bihainim Nesenel HIV strateji 2011-2015, mipela i bilip long halivim ol lain husat i save lus na go autsait long komyuniti, tasol husat i nogat banis long HIV

binatang – olsem ol meri na man husat i save salim bodi bilong kisim mani – wantaim halivim i kam long PoroSapot program bilong Save the Children na ol mausgrup olsem Friends Frangipani, na Kaput Champions.

Wol AIDS De mesej bilong Nesenel AIDS Kaunsil Sekreteriet long kisim blut tes i mekim dispela wanpela bikpela tingting: kisim wanpela HIV tes i ken mekim yu na famili bilong yu i stap helti, na painim gutpela sindaun long bihain – sapos yu HIV positive, yu ken kisim tritmen kwik bai yu ken stap helti – na sapos yu HIV negative, yu ken lusim pasin bilong paul nating na stat yusim ol banis agensim dispela sik. Em i gutpela we bilong banisim ol lain yu lavim!



Ret ribon long tingim de..



Bikpela trak tu bilas long selebretim Wol AIDS De...



Ol yangpela putim retpela klos long soim dispela bikpela de...



Ol Oro i soim bilas bilong ol long Wol AIDS De long las yia 2011.



2012 WORLD AIDS DAY CELEBRATIONS UNAGI OVAL



WORLD AIDS DAY Saturday 1st December 2012

Theme: "ZERO HIV IN PNG"

- **Lukautim Yu Yet**
- **Lukautim Famili**

PROGRAM: MASTER OF CEREMONY MR Roger Hauofa

Time	Event	Who
8:00 am	Health HIV Walk Anglicare Live Band set up at the Unagi Oval Stage	Group of stakeholders belonging to the different electorates will march from their respective appointed centres. MNE – Erima J.Mart MS – Jack Pidik Park MNW – City Hall MTK – Stop & Shop Waigani Everyone should be in RED 'T'Shirts and all walking towards Jack Pidik Park
10.00 am	Marchers arrive at the Unagi Oval and march once around the field. Led by the Kila Police Youth Band and CIS Pipe Band, Tubumaga Clan boys brass band, 9 mile brass band	All stakeholders march once around the field at Unagi Oval holding banners
11.00 am	Entertainment by the Anglicare Band	Stakeholders set up information tables & give out information and conduct focus group discussions etc..
12.00 noon	Official Speeches Opening Prayer Official Welcome Official WAD Speech	Arch Bishop John Ribat Acting Director NACS – Mr Tapo Minister Health & HIV – Hin Michael Malabag
	Global WAD Speech Life Testimony WAD Highlights Key Note address	UNAIDS Rep – David McLachlan PLHIV Rep – Linda John Aus AIDS rep Hon Governor Powes Parkop NCD Regional
1.00 pm	Entertainment Refreshment Refreshments will be given to the invited guests only. Everyone else will provide their own refreshments	Watete/Vanagi Theatre Hohola Youth Skeleton man from Manus Simplicity Dance Group Koke Youth Group Puppet Show – World Vision
2.00 pm	Closing remarks and acknowledgments Closing Prayer	Mr Kila Dick – Chairman NCD PAC Reverend Bishop Veburi Dabada – United Church of PNG
3:00 pm	PROGRAM ENDS	



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

DJ Musik pulim ol yangpela

Nicky Bernard i raitim

PLANTI bilong yangpela manmeri bilong nau save laikim tru DJ o musik ol miksim na danis bilong em i nogat stop bilong en.

Planti bilong ol nait klab nau i gat ol dispela DJ, na nogat moa laip ben save pilai.

Planti bilong ol lapun husat save laikim danis long laip ben save painim wanwan klab we save gat laip ben save pilai.

Mosbi, Lae, Madang na Rabaul i gat planti ol nait klab save stap long en na planti bilong ol dispela nait klab em DJ bilong klab save pilai.

Long Mosbi planti ol yangpela save bihain ol klab we DJ bilong ol save hot na pairap gut, na ol dispela nait klab save pulap stret long ol yang-

pela bilong nau. Long dispela Fraide na Sarere nait tupela lain blong Townville bai pairap long Lamana.

Dispela tupela lain ino nupela long PNG, tupela save go kam pilaim DJ na MC wantaim.

DJ Tuini na MC Fortafy bai pilai tupela nait, long Lamana long opim kris-mas pati long Gold Klab, dispela bai lukim ol yangpela bai kukim dispela hap wantaim ol danis bilong ol.

Planti ol sumatin tu save laikim tru harim ol DJ pilai na bihainim danis stail bilong musik we ol DJ save pilaim, na tu holide i stat pinis long sampela bikpela skul planti bilong ol bai painim ol klab long amamas.

DJ TUINI & MC FORTAFY BACK 2 BACK NIGHTS FRI 30th NOV & SAT 1st DEC

They're back for another dose of fun-filled entertainment. It's sexy duo, Gold Coast DJ Tuini & muscleman MC Fortafy.

Advertisement for DJ Tuini & MC Fortafy featuring a photo of the duo and text: 'The Gold Club Members free entry with your Gold card, non-members K25 For info contact Sue or Jacquie on 3124555 or e mail goldclub@lamana.com.pg'

EMTV Television Guide

Table with 4 columns: Time, Channel, Program Name, and Description. Includes sections for FONDE 29 NOVEMBA, 2012; FRAIDE 30 NOVEMBA 2012; SARERE 1 DISEMBA 2012; and SANDE 2 DISEMBA 2012.

TORO



TOKWIN

Teksi sot kat...

Long mande moning olgeta kar long Renbo na Gerehu pulim lain long rot long 6kilok moning... Taim ol kam klostu long Botanikol Gaden ol i kirap long lukim wanpela teksi, greypela vista wantaim teksi sain antap long het bilong em i pakim kar gut tru insait long banis bilong botanikol gaden.

Mipela olgeta kirap nogut long lukim teksi i sindaun gut tru wantaim ol diwai bilong botanikol gaden.. Banis tu i no stap long hap ples em pak long em.. Draiva mas mekim wan-

pela eli krismas selebresin na go sut i go insait long Botanikol gaden na selebret i stap... Apinun mipela i go bek long haus na lukim hap spes bilong teksi i stap..ples em klia gut tru na ol wok man wok long stretim banis i stap..Lukluk long ol gutpela teksi draiva na kalap...nogut yu westim moni nating na yu na draiva bai silip long hausik.. Klostu krismas!!!

Mango splسیم hot kopi...

Nau em mango sisen na planti haus i pulap long mango..Narapela brata i mekim gutpela kap kopi bilong em na go sindaun

long patapata ananit long wanpela mango diwai we i pulap long mau mango...Gutpela de tru na win i blou na baga em dringim kopi isi isi tru...

Nau wanpela bikpela win i kam na sekim diwai mango na wanpela liklik mau mango i punduan na bam long wanpela bren bilong diwai na hetwin stret long kap kopi bilong barata yah..Hot kopi i plai kamaut long kap na kapsait antap long baga nogut..Kopi i kukim brata nagut tru na em kalap na singaut wantaim na kikim kap i flai go daun long graun...

Soreeee...Yu kisim taim nau!!

Tokwin tasol..

Grid of letters for a word search puzzle.

Painim ol dispela toktok bilong ron long balus:

Table listing items and their corresponding terms: BALUS, AIR NIUGINI, AIRLINES PNG, MAF, ISLANDS NATIONAIR, PLES BALUS, KAGO, TI, KOPI, JIUS, BISKET, SIA LET, SIA, TIKET, SEKIN, SEKYURITI, LAIP JAKET, EA HOSTES, PALOT, SUTKES.

4x4 grid for a word search puzzle.

9x9 grid for a word search puzzle.

Ansa bilong las wik Sudoku

Word search puzzle grid with letters and some pre-filled words.

Ansa bilong las wik Pasol

EMTV Television Guide

Television schedule table with columns for time, channel, program name, and network.

Ol Program na Kilok i ken tenis oltaim...

'Yu mas bilip long yu yet'

Enjinia givim tok stia long hatwok bilong laip

Bustin Anzu i raitim

LONG painim gutpela sindaun long bihain taim, wanpela i mas wok strong. Sapos yu no mekim gut long skruim save bilong yu go het long on narapela skul, dispela ino min olsem em pinis. I gat ol narapela rot i stap.

Long namba 13 greduesen bilong ol Gret 12 long Goroka Sekenderi Skul long Goroka las wik, wanpela praivet enjinia i tok i nogat wanpela samting long laip em bai yu kisim fri. wanpela i mas wok hat long kisim dispela.

Em i tok taim ol sumatin ino mekim gut na ol skul ino kisim ol long skruim save o kisim save, ol mas i gat taim long lukluk arere long sampela rot bilong ol yet.

Ron Napitalai, papa bilong Napitalai enjinia long Goroka yet i tok long laip i gat planti salens i stap na dispela em pat bilong laip na ol mas sanap long tupela lek bilong ol yet na i go het yet.

Dispela i no min olsem ol mas surik long ol dispela salens na laip, tasol em pat bilong laip bilong ol.

Long dispela greduesen, tupela wan klas Norman Wampe na Fiona Bare i kamap namba wan long dispela yia. Wampe i kisim daks bilong man na Bare i kisim bilong ol meri.

Na tupela wantaim i kisim K2000 long Naga Beker, K1000 long wanwan na raitim nem bilong tupela long wanpela sil, ol i kolim long Asuamiti sil

Dispela bekeri i save kisim kontrak long skul long olgeta yia long kukim kaikai bilong skul. Em i save putim K2000, K1000 bilong man na nara-

pela K1000 bilong ol meri, husat i save mekim gut long Gret 12.

Long Wampe, em i mekim gut tru long kamapim histori long skul, long raitim nem bilong papa bilong tupela, Wampe, tupela taim long Asuamiti Sil.

Long las yia, bikpela brata bilong em Nathan i kamap namba wan long skul na raitim nem bilong em long dispela sil. Nau, Norman i bihainim han mak bilong brata bilong em na putim nem bilong em gen.

"Mi amamas long raitim nem bilong mi, bihainim nem bilong brata bilong mi.

"Las yia, Nathan i bin raitim long dispela Asuamiti sil. Nau mi raitim nem bilong mi na dispela em wanpela bikpela samting long laip bilong mi, long wanem, mipela wantaim i wokim long sem yia yet," em i tok.

Papa bilong tupela Augustine Wampe i amamas long dispela tupela pikinini bilong wanem, tupela wantaim i wokim gut long Goroka Sekenderi Skul.

"Mi amamas long tupela pikinini bilong mi wantaim. Tupela i mekim mipela ol famili i amamas long wok bilong tupela long skul," Wampe, husait i Provinsel Polis Komanda (PPC) bilong Simbu i tok, bihain long witness Norman i pinis long Gret 12 i tok.

Norman Wampe, husait i hap kas Baiyer long Westen Hailans na Musau Ailan long Is Sepik i makim maus bilong Bare na tok tenk yu long ol tisa long mekim bikpela wok long dispela yia.

Tupela i tok amamas tu long Naga Beker i mekim bikpela wok long sponsorim olgeta namba wan sumatin long olgeta yia.



WAMPE BOIS: Bikpela brata Nathan (lephan) na Norman Wampe i sanap soim dispela Naga Beker Asuamiti Sil we i karim nem bilong tupela wantaim long en. Papa bilong tupela Augustine Wampe i sanap baksait long tupela. *Poto: Bustin Anzu*



Fitch Taun Haus, nupela Apatmen bilong Pasfic Palm Property. *Poto Nicky Bernard.*

Pacific Palms Property opim nupela Apatmen

Nicky Bernard i raitim

PASIFIK Palm Propeti i opim nupela apatmen bilong ol long Ela Beach long dispela wik, dispela apatmen i gat 8-pela yunit long en, na em gat olgeta samting stap long en.

Dispela nupela apatmen i gat 4-pela level bilong em, na em stap long gutpela hap bilong lukluk go aut long solwara.

Mama kampani bilong Pasifik Palm Propeti em Steamship, na dispela nupela apatmen ol kolim long Fitch, Taunhaus.

Fitch, em papa o man i kamapim Steamship long Papua Niugini, em bin statim sip kampani na bihain em kamapim ol stoa insait long wanwan provins, dispela bisnis bilong em i go bikpela insait

long Papua Niugini long 1970 na 80.

Dispela nupela apatmen Fitch ol stat mekim long mun Oktoba long 2010 na pinisim long namel bilong Julai 2012.

CRCG Bildas i kisim kontrak long mekim na man husat i plenim na droim dispela apatmen em Cullen Feng.

Dispela nupela apatmen i gat ples bilong tupela kar long pak aninit na i gat elektrik get bilong em, long sem ap yet i gat ples bilong putim ol samting, londri ples na gat wanpela toilet.

Antap long kar pak o level 2 em ples bilong kuk, ples bilong kaikai, ples bilong sindaun na lukim TV, na outsait i gat liklik hat wara pul na ples bilong sindaun na kisim win.

Long namba 3-level em masta

bet rum i stap long en, i gat liklik rum bilong komputa na ples bilong stadi na em gat balkani o ples bilong kam aut na sindaun na lukluk i go long solwara.

Laspela level em tupela bet rum stap long en, dispela i gat ples bilong waswas, toilet ol tebol bilong stadi na i gat ples bilong lukluk go aut long solwara.

Dispela apatmen ol mekim long ol nupela samting na i gat ples babakui na pul bilong waswas long sait bilong dispela apatmen, i gat jim o ples bilong eksesais na dispela ol samting em ol nupela kain stail. Taim bilong eksesais yu ken lukim TV long sem taim na i gat kainkain sanol bilong ol.

Fitch Taun Haus i gat 4-pela yunit stap yet na sapos yu laikim wanpela yunit ringim Pacific Palm Property long kisim wanpela.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province.....(abbreviation)
 Country..... Zip/Postal Code.....
 Street Address.....
 Telephone.....Fax.....
 Email.....
 Signed.....Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: **Luke MEK** (Circulation & Distribution)



Mipela bai helpim yu: Ol wok manmeri bilong Nesesnel Development Benk (NDB) i amamas taim Praim Minista i opim SME na tok klia long gavman bai helpim ol long helpim ol liklik bisnis manmeri long ples. Poto Nicky Bernard.

O'Neill: SME sekta tok klia long PNG

David Bill Leo (UPNG janelisim sumatin) i ratim

PRAIM MINISTA Peter O'Neill i tokim Papua Niugini olsem, em i wari tru olsem bihain long 37-pela krismas Independens, yumi no lukim tingting bilong ol asples husat i painim wantaim planti bisnis man insait long fomol sekta.

Pipel i mas wanbel nau olsem ol bisnis bihain long 37-pela krismas long Independens, yumi olsem papa graun i holim 10 pesen long fomol ikonomi taim ol ausait lain i holim na kontrolim 90 pesen. Praim Minista Peter O'Neill i tok long 20 Novemba 2012 long Dynasty Resron long Pot Mosbi.

Em i no asua bilong narapela, tasol em i asua bilong yumi yet na bipo gavman i nogat strongpela wok i bin soim nau sindaun i amamas long benefitim bikipela netrol

risos em i konsen. Yumi yet i tok orait long makim boda lain na sanap olsem wasman long kantri bilong mipela yet na kisim liklik hap.

"Ol manmeri salim bui, simuk, emti botol, seken-hen klos na ol kaikai long maket na bisnis tru em ol ausait lain i kam na ronim."

Praim Minista i tok yumi i no bin putim ol pipel bilong Papua Niugini i stap insait long ikonomik groa long graun bilong yumi. Spes namel long ris na pua em i kamap bikipela wantaim nogat arere bilong en sapos gavman i gat laik na wokim eksen long tanim sindaun aninit long strongpela lida olsem save man long ol asples pipel aninit long Mahathir.

Wanpela bikipela hevi em Papua Niugini i no bin stap long groim liklik na midiam sais entaprais (SME) bipo 37-pela ya long Independens. Ol bipo gav-

man i bin abrus long sapatim moa na moa ol liklik, midiam na tu ol bikipela kampani bilong Papua Niugini.

Em i givim moa tok klia olsem olgeta hap long wol insait long ol develop nesen, 90 pesen fomol wokman insait long fomol sekta em SME i mekim. Tasol long PNG,

gavman em bikipela kampani (givim wok) insait long fomol sekta.

Nau PNG, i gat 49, 000 kampani tasol insait long SME sekta wantaim saaming olsem 29, 000 i baim takis long wanwan ya. Bungim olgeta kampani insait long SME sekta inap long givim

wok liklik hap bilong milen wokman.

Pipel i no nap gohet wanatim sindaun bilong bipo na slip antap long wanem pastaim ol i mekim wrong. Long developim PNG SME sekta, yumi mas kaunim pastaim ol asua, kisim skul long ol, na investim bihain taim bilong yumi.

SME sekta mekpas groa

David Bill Leo (UPNG janelisim sumatin) i ratim

GAVMAN bilong O'Neill na Dion bai mekim histori taim ol i mekim toksave long ful Smol Midium Entaprais (SME) stimulus mekpas groa we gavman bai givim stat long Independens kam inap nau, sapatim Papua Niugini bisnis insait long fomol sekta.

Praim Minista Peter O'Neill i tokaut long spesel mekpas we em i putim long PNG bisnis em bai kamapim 500, 000 nupela bisnis na 2 milen wok long 2050.

Stimulus mekpas i stap insait long 2013 baset ol i wokim pinis las wik wantaim 12-pela bikipela mak long groim PNG SME sekta. Dispela bai sapatim:

✓ Ol sitisen bilong yumi bai lukim prais mani i go daun.

✓ Papua Niugini bai stopim ausait lain aninit long loa olsem ol i no ken ranim ol bisnis bilong ol PNG sitisen.

✓ Stret Pasin Bisnis Skem i minim olsem moa sitisen wantaim profesenel na bisnis skil bai lukim drim bilong ol wantaim 100 pesen

sapat bilong gavman.

✓ Papua Niugini bai lukim isi na sip long ol PNG kampani long registaim na wokim tred. Pipel bai developim moa sitisen long kisim ol bisnis olsem wok man long sapatim gavman.

Praim Minista i tok stat long neks ya gavman bilong em bai i invesim sastenabel infrastraksa projek sapatim ikonomik groa, daunim prais bilong bisnis na openim nupela ples i gat man long en long wokim bisnis hariap. Kain olsem Baiyer – Madang Rot bai i kam olsem long Lae, Is – Wes Nu Briten Haiwe na arapela ol nesenel rot link long taun na siti bilong yumi.

Dispela stimulus mekpas bai sapatim grot na opim rot long moa na moa kampani bilong ol Papua Niugini. Dispela em i bikipela sais wantaim loa rifom plen, polisi senis, gutpela rot kredit fasiliti, lainim bisnis, takis na arapela tingting bilong ol PNG kampani na sambai long PNG bisnis.

Taget bilong mipela em i kirapim ol kampani bilong Papua Niugini insait long fomol sekta long growim 49, 000 nau go antap long 50, 000 long 2050.

Planti Moa Ron Bilong Balus Planti Moa Sans

- Lae ↔ Mt. Hagen Niupela Sevis olgeta dei
- Port Moresby ↔ Goroka Niupela Sevis olgeta dei
- Port Moresby ↔ Mt. Hagen Nau tetinpla ron blong balus olgeta wik
- Port Moresby ↔ Lae Nau fopla flait olgeta dei
- Port Moresby → Mt. Hagen → Wewak Nau fopla flait olgeta wik
- Port Moresby ↔ Moro Nau tripla flait olgeta wik
- Port Moresby ↔ Daru Nau nainpla flait olgeta wik

Ringim: 7222151 o lukim www.apng.com

Airlines PNG
COME FLY OUR WAY

- PORT MORESBY - Level 1, Pacific Place, 321 3400
- Vision City Ph: 73734250
- Airport Sales Jackson's Parade
- MT. HAGEN - Central Highlands Printers, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5980
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Kimbe Travel Centre, 983 5802
- RABAUL - Rabaul Hotel, 982 1999

Gasel bai kamap nupela provins

Michael Novingu i raitim

GASEL distrik long Is Nu Briten provins kamap nupela provins bilong em yet pastaim long 2017 nesanel jeneral ileksen.

Memba bilong Gasel, Malakai Tabar i tok nupela provins bai karamapim Sinivit lokol level gavman, na Not Baining, hap long Is Nu Briten.

Tabar i tok olsem baundris

komisin, long ripot bilong ol, i putim Jiwaka, Hela na Gasel distrik bai kamap provins bilong ol yet.

Moa yet, em i tok dispela ripot ol i wokim long 2004 na 2005 we i lukim Jiwaka na Hela i kisim provins pinis.

Em i tok moa olsem Prais Minista, Peter O'Neill i tok orait pinis olsem Gasel distrik bai kamap provins bilong em yet pastaim long 2017 jeneral ileksen.

Long wankain taim, Tabar i sin-

gaut i go long ol pipel bilong Gasel distrik long stap isi.

"Mipela bai kisim provins bilong mipela yet, na vot long 2017 long makim lidaman long makim maus bilong mipela long palamen," em i tok.

Gavman bai apgredim narapela rot i go long Moem Bareks

MINISTA bilong Woks na Implimentesen, Francis Awesa, i tokaut olsem wok bai go het long apgredim rot namel long Sawarin na Brandi, long Wewak, olsem narapela rot i go long Moem Difens Fos Bareks.

Dispela i bihainim wanpela raun lukluk Mista Awesa na Minista bilong Komes, Tred na Industri, Richard Maru i mekim bihainim Moem Bareks rot.

Bikpela hevi i stap long dispela rot, em solwara mak i go antap na i wok bagarapim.

Ol i kirap nogut long lukim bagarap i stap long dispela rot.

Mista Awesa i tok hevi em i bikpela tru, na i mobeta ol i pulim narapela rot i go long bareks.

Wanpela bris tasol i stap namel long Moem Bareks na taun i wok long bagarap tu. Ol soldia husat i go wantaim tupela minista i tok ol i wari long sefti na kago bilong ol taim ol i ron long dispela bris.

Provinsal Woks Menesa, Terry Philip, husat i go wantaim tupela minista, i tok olsem ol i mas mekim fisabiliti stadi pastaim, bai wok i go het long apgredim bilong rot.

Tuffa salens kamap bilong winim planti kain prais

KK KINGSTON, kampani i save mekim ol Tuffa tenk na arapela kain Tuffa prodak, nau i wok long ronim wanpela promosen bilong givim bek long ol kastoma bilong ol.

Las tupela wik i lukim ol promosen lain bilong ol i raun i go long ol bikpela stua long Mosbi wantaim nupela Tuffa Len Krusa 10-sita kar we ol kastoma i ken winim long dispela promosen.

Planti ol kastoma i bin traime dispela Tuffa salens na winim ol Tuffa bal na kep, bihain long ol i traime ragbi pas save bilong ol i go insait long Tuffa Pass na Win pilai.

Ol i wok long raun i go long ol geta stua i save salim ol Tuffa Tenk. Ol kastoma husat i baim ol tenk na Tuffa prodak bai go insait long droa bilong winim wanpela long foapela len krusa kar.

Wanpela kar bai go aut long wanwan rijen – Hailans, Sauten, Niugini Ailans, na Momase.

Dispela bikpela droa bilong kar



Ol wokman na meri bilong Tuffa Tenk i soim kala bilong ol.

bai kamap long mun Epril, long 2013.

Poto i soim ol Tuffa Promosen Tim i sanap wantaim namba wan

bikpela prais, dispela Tuffa Len Krusa 10-sita kar.



TOK LUKAUT LONG PASIN BILONG STILIM PAWA RIPOTIM PASIN STIL NA KISIM WINMANI

- PASIN BILONG STILIM PAWA, EM I BIKPELA ASUA
- YU KEN KISIM MEKIMSAVE LONG KOT
- PNG POWER I GAT RAIT ANINIT LONG ILEKTRISITI EKT LONG TOK NOGAT LONG GIVIM SAPLAI I GO LONG WANEM KAIN PLES
- SAPOS MIPELA I PAINIM YU, BAI MIPELA I KATIM PAWA BILONG YU
- YU MAS PEIM OL DISPELA FI PASTAIM LONG MIPELA I KONEKTIM BEK PAWA

1.EASIPAY SINGEL PES SAPLAI MANIMAK Kost bilong nupela Easipay singel pes mita Kost bilong nupela servis lain na ol ekseori Kost bilong ol Investigesen Fi	K750.00 K450.00 K900.00
TOTAL	K2,100.00
2.EASIPAY TRIPELA PES SAPLAI Kost bilong nupela Easipay Tri Pes mita Kost bilong nupela servis lain na ol ekseori Kost bilong ol Investigesen na Instolesen Fi	K1,850.00 K 750.00 K 900.00
TOTAL	K3,590.00
3.KREDIT MITA SINGEL PES Kost bilong nupela kredi singel pes mita Kost bilong nupela servis lain na ol ekseori Kost bilong ol Investigesen na Instolesen Fi	K350.00 K450.00 K1,090.00
TOTAL	K1,890.00
4.KREDIT MITA TRIPELA PES SAPLAI Kost bilong nupela kredit mita Tripela Pes mita Kost bilong nupela servis lain na ol ekseori Kost bilong ol Investigesen na Instolesen Fi	K1,150.00 K1,350.00 K5,500.00
TOTAL	K8,000.00
5.KREDIT MITA INDUSTRIAL SAPLAI Kost bilong nupela Kredit Mita Tripela Pes Mita Kost bilong ol nupela servis lain na ekseori Kost bilong ol Investigesen na Instolesen fi	K1,150.00 K1,350.00 K7,500.00
TOTAL	K10,000.00

Ol arapela kostim bilong rikoneksen fi inap long K95 bilong ol nomol awa na K189 bilong afta awa, na moa yet, wanem ol autstending pawa bil o dinau i stap yet, veliu bilong pawa yu stilim, na wanpela Sekyuriti Bond fi bihainim tripela mun bil, em yu bai mas peim antap long ol sas pastaim long pawa saplai i go bek gen.

- Ol konsuma i mekim ol iligel koneksen i mas tingim olsem pawa i ken kilim man na bagarapim ol haus samting – gutpela wok i no save kamap long ol kwik servis na aninit long tebol dil.
- Taim yu wokim iligel koneksen, yu ken kamapim birua long femili bilong yu na narapela lain klostu long yu.
- Ol konsuma i yusim pawa ol i stilim, bai peim moa yet taim mipela i holim ol.
- Mita i mas stap aninit long nem bilong ol tenen bilong haus. Sapos nogat, bai em i pulim luksave olsem em i iligel koneksen – Lukim PNG Power nau.
- Ripotim ol iligel koneksen long ol pawa pos, ol mita, o abrusim ol mita, na yu ken winim wanpela **"CASH REWARD" o keswinmani (em i narakain long ol Fi mipela i makim).**
- Ripotim husat ol PNG Power wokman i wok long mekim ol dispela iligel koneksen – givim taim, de, namba plet bilong kar, sapos ol i yusim kar.

Ringim Kastoma Kea long ol telepon namba: **325 2835, 325 1933, 324 3356, 324 3551, 324 3563** sapos yu stap long NCD, na ripotim wanem kain pasin stilim pawa i kamap. Ringim PNG Power opis bilong yu sapos yu stap long ol arapela senta. Go long www.png-power.com.pg long kisim ol aplikesen fom long rejista long ol nupela koneksen o senisim nem long mita, o go lukim **PNG Power Opis i**

TINGIM – PNG POWER BAI NO INAP LONG PEIM KOMPENSESEN SAPOS YU LUSIM LAIP BILONG YU LONG OL DISPELA ILIGEL KONEKSEN!!



Nesenel Gavman givim bikpela tok tenkyu long Ramu NiCo long gutpela wok

O'NEILL-DION gavman i tok tenkyu tru i go long bikpela nikel na kobalt divolopa insait long Madang Provins, Ramu NiCo long wokim ol gutpela developmen na tu kamapim moa wok divelopim insait long displa nikel main insait long Kurumbukari, Usino-Bundi distrik na rifaineri bilong em long Basamuk insait long Raikos distrik long Madang provins.

Long dispela na nesanel gavman i stap redi long wok bung wantaim Ramu NiCo long luksave olsem moa kain developmen i kamap insait long ol impekt eria long Madang provins na kantri tu.

Vais Minista bilong Maining, Wera Mori i mekim dispela toktok long Walium distrik hetkwata long Usino-Bundi distrik long Fraide Nov 16 bihain long Minerol Risos Atoriti (MRA) makim Nesanel Gavman i bin givim 8-pela nupela polis haus na tupela kar i go long ol polis long Walium.

Dispela ol 8-pela haus em komitmen bilong Nesanel Gavman aninit long Ramu Projek memorandum ov agrimen (MoA) long taim bilong konstraksen bilong Ramu Projek.

Mista Mori i tok olsem O'Neill-Dion gavman i sapotim olgeta maining projek, na wankain luksave em i givim long Ramu NiCo Projek. Dispela em bikos maining sekta long PNG i save givim 60 pesen long sapotim Gros Domestik Prodak (GDP) bilong PNG na Nesanel Baset olsem na PNG bai i no inap sanap strong sapos nogat wok maining i stap long kantri.

"Maski olsem i gat planti kain kain toktok i kamap, Gavman i stap strong yet long sapotim kain bikpela projek olsem Ramu NiCo," Mista Mori i tok.

Mista Mori i givim bikpela luksave na tok tenkyu tu i go long Ramu NiCo long divelopim dispela nikel projek we long pastaim Gavman i traim hat tru long painim wanpela divolopa long wol stat long 1980s na 1990s long bringim kamapim divelopmen. Kam bilong Ramu NiCo atasol i mekim olgeta wok na bikpela senis i kamap.

Mista Mori i tok bikpela tenkyu tu long Ramu NiCo long wokim bikpela bris go hapsait long Ramu Riva na tu long wokim rot long



Duban - Lukautim Ramu NiCo Projek na gavman bai kisim planti servis i kam.



Gu - Ramu NiCo i bin kamapim planti wok divelopmen pinis na bai kamapim moa bihain taim.



Mori - Usino-Bundi i laki tru long gat Ramu NiCo Projek.



Watti - Tenkyu God long Kisim Ramu NiCo kam long Usino-Bundi.



Yagama - Mi bai wok bung wantaim gavman na sapotim Ramu NiCo Projek.

Usino mausrot i go long Banu we i sevim planti ol lokal pipel bilong Bundi na Kurumbukari na ol ples arere long Usino.

"Ol pipel bilong Usino-Bundi i laki long i gat ol bikpela projek long distrik bilong yupela olsem Ramu NiCo we Gavman i bai sapotim na yupela kisim planti servis," em i tok.

Minista bilong Polis na Memba bilong Madang, Nixon Duban tu i bin stap

long dispela seremoni na i mekim strongpela toktok i go long ol papagraun bilong Ramu nikel/kobalt projek long wok klostu wantaim Ramu NiCo na Nesanel Gavman bai sapotim divelopmen long kamap long eria bilong ol.

"Taim yu gat ol bikpela risos projek long eria bilong yu, yu bai bringim Nesanel Gavman long kam insait long helpim. Wankain olsem nau MRA i soim long helpim polis wok long distrik bilong yupela," Mista Duban i tok.

Mista Duban i tokim ol pipel

olsem Nesanel Gavman i lukluk moa long sapotim ol distrik long kantri we i gat ol bikpela risos projek i stap long en, na wanem em i givim em long strongim wok bilong polis long distrik we i gat Ramu NiCo main.

Polis Minista Duban i tok tu olsem bikos long dispela bikpela projek long Usino Bundi, Nesanel Gavman i givim mak olsem K1.6 milion long wokim ol polis haus na tu baim tupela polis kar bilong Usino-Bundi distrik.

Memba bilong Usino-Bundi, Anthon Yagama tu i bin stap long displa seremoni na tok tenkyu i go long Ramu NiCo na MRA long wok bung wantaim we i nau lukim kaikai bilong ol kain wok patnasip we i karim kaikai stret.

Mista Yagama i tok administresin bilong em i reri tasol long wok wantaim Ramu NiCo na gavman long luksave olsem ol pipol bilong em i mas kisim gutpla na bikpla ol kain servis we ol i no bin kisim bipo.

Deputi gavana na President bilong Usino, Bob Watti i tok bikpela tenkyu i go tu long Ramu NiCo long bringim bikpela servis olsem wokim rot, mekim bris, skul na hausik insait long Usino na Bundi we bipo i nogat stret.

Em i tok klia long ol pipol olsem gavman i nogat mani long kamapim kain ol servis na askim ol pipol long wok bung na lukautim Ramu NiCo we kain ol bikpla servis i mas kamap moa taim Ramu NiCo i go insait long operesin bilong main.

"Yumi mas tok tenkyu long God long kisim MCC-Ramu NiCo kam bikos nau yumi lukim servis stret," Mr. Watti i tok.

Dairekta na Eksekutiv Vai President bilong Ramu NiCo, Gu Yuxiang i tok tenkyu long Nesanel Gavman long mekim wok divelopmen ananit long luksave bilong em long Ramu NiCo Projek MOA.

Mr. Gu i tok tu olsem Ramu NiCo i laik kamap stret wanepela bikpela intenesinel wol-klas maining kampani na wankain taim tu laik bringim ol kain bikpela servis i go long ol projek papagraun na ol pipel bilong Madang na kantri.

"Sapos yupela i givim wankain sapot na halivim i kam long Ramu NiCo, ating bai yumi ken wok bung wantaim na kamapim planti gutpla servis", Mista Gu i toktok

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milion kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paip lain)

Wanpela Ramu NiCo, Wanpela Komuniti


RAMU NiCO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



HOLIM DISPELA BALL: Beta bilong Eagles soim strong bilong long painim bal long A softbol pilai bilong ol man long Bisini wantaim ol Yunaitet. Tupela tim wantaim i dro 4-4.




HAYO: Pilai bilong Nokaha i abrus na kikim lek bilong pilai bilong 2Fast Motors Solo long EPC kap resis long Bisini.



NETBAL: Senta bilong Wespec i traim long stopim bal long senta bilong Brain Bell long netbal pilai bilong ol.

Ol Spot Eksen poto long wiken...



RESIS: Mi wanpela ya, kam kisim dispela bal ol tripela resis long bal long bisini soka graun long go insait long EPC kap fainol.

SEASON PROPER - ROUND ONE, GAME TWO

TIME	TEAMS	TEAMS	GRD	REMARKS
8.00 - 9.15				
9.15 - 10.30	Bears	v Stingers	B	
10.30 - 11.45	Admiralty	v United Sisters	B	
12.30 - 13.45	Bears	v Wantoks	A	
13.45 - 15.00	Unites Sifers	v Admiralty	A	
15.00 - 16.15				

DIAMOND THREE

TIME	TEAMS	TEAMS	GRD	REMARKS
8.00 - 9.15				
9.15 - 10.30	Chebu	v Wantoks	B	
10.30 - 11.45	Wolves	v Gazelle	B	
12.30 - 13.45	Wolves	v Chebu	A	
13.45 - 15.00	Stingerz	v Gazelle	A	
15.00 - 16.15				

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Central Waigani, NCD.

Tim Sandaun kamap leitlong Gems

Michael Novingu i raitim

TIM Sandaun i kamap bihain long ol pilai i stat pinis long Namba 5 PNG Grasruts Gems long Kokopo, Is Nu Briten.

Bosman bilong Tim Sandaun, Dominic Maidoni tok olsem tim bilong em i kamap bihain bikos i nogat sip na balus long kisim ol i kam hariap long Kokopo.

Em i askim host ogenaising komiti long stretim tim bilong em bai ol spot manmeri bilong em i pilai long Gems.

Moa yet, em i tok tim bilong en em ol yangpela sumatin i stap insait long en, na bai ol i pilai long 21 pilai olgeta.

Maidon i tok Sandun em i las provins, na ol samting olsem sip na balus i hat.

"Em i hat long mipela long kisim hariap na kam long ol pilai long taim."

Moa yet, em i tok HOC i mas givim sans long ol spotmanmeri bilong em i mas stap insait long gems.

Long wankain taim, em i tok tenkyu long Membra bilong Aitape-Lumi, Patrick Pruaitch, long stretim rot bilong ol we ami balus Kasa i kisim ol i go long Gems long Kokopo.

NCD Win Gold long open tas Ragbi

Michael Novingu i raitim

TIM NCD, meri open rugby tas i winim gol medel bihain long ol i nekim Tim WNB long Takubar pilai graun long Kokopo long las wiken.

Long game bilong ol man Tim ENB i kisim gol medel bihain long ol autim tiket bi-

long Tim NCD i kisim silva medel wantaim skoa 4-3.

Long namba tri ples bipo sempion long 2009 PNG gems Tim ORO i nekim tim Niu Ailan wantaim skoa 6-3 long kisim brons medel.

Na long mix tas gems Tim ORO i nekim Tim ENB long kisim gol medel na NCD i

kisim brons bihain long ol i winim tim Morobe.

Long pilai bilong ol meri Tim NCD i nekim ol susa bilong ol long WNB long kisim gol medel.

Tim WNB inap long win, tasol oli mekim plenty asua long dropim bal i lukim tim NCD i winim ol.

Moa yet long fainol wisel, tupla tim wantaim istap dro 1-1 na long ekstra taim, Bessie Peter bilong NCD li kisim wanpla gutpla bal na skorim wining skoa bilong ol long kisim gol medel.

Kosa bilong tim NCD Augustine Arila i tok em i gat strongpela bilip olsem ol

meri long tim bilong bai winim gol medel long wanem long stat bilong gems ol winim ol arapela tim i kam long fainol.

Arila i tok ol meri long tim bilong em i bihainim gem plen i lukim mipela i winim tim WNB long kisim gol medel.



MI KEN RIDIM TOKPISIN:

Kepten bilong Australia legend Petero Civoniceva i ridim wanpela Wantok Niuspepa taim em lukim piksa bilong em long bek pes. Em ken ridim tokpinis liklik na em amamas tru taim kemra man bilong Wantok i kisim piksa bilong em. Petrero i tok em bai traim long kam bek long nara-pela yia long wankain pilai bilong mekim mani bilong NRL BID. **Poto Nicky Bernard.**

Tin pis em isi nau long baim . . .

Tim NCD 9s go long Semi Fainols

Samuel Peter Koim I raitim.

TEAM NCD, i rere tasol long pilai semi-fainols wantaim tim Sauten Hailands long tumora, Fraide.

Tim NCD i winim six kspela gem na mekim wanpela lus bihain long sevenpela gem ol i pilai long em. Long aste Trinde, ol i pilai wantaim Tim Alotau na winim Tim Alotau long tu poms. Skoa i sanap olsem 12-10. Long namaba tu gem, ol brukim bun wantaim tim Jiwaka. Tim NCD i strong tumas na lukim ol i winim Jiwaka 22-6.

Dispela tupela win bringim ol i go insait long semi-fainols

wantaim tim Sauten Hailans.

Long narapela semi-fainol gem, tim ENB na Tim Milen Be bai resis. Tim ENB i pilai insait long Pul A. Ol Papa graun tim i pilai strong true na soim ol narapela tim olsem ol bai nonap givim sans long ol tim husait i kam pilai long ples bilong ol.

Ol tim husait bai pilai fainols bai salensim sempion bilong ol narapela Pul. Kain olsem, NCD husait i stap long Pul B bai pilai wantaim Tim Sauten Hailands long Pul A. Tim Sauten Hailands stap namba tu long Pul A. Na Tim ENB i stap long namba wan ples long Pul A na bai pilai wantaim sempion bilong Pul B.

Ol kodineta bilong 9s ragbi i yusim dispela kris-kros we long bungim ol tim long pilai long dispela semi fainols gem.

Wina bilong dispela tupela gem bai go pilai gren fainol long narapela de bihain long resis long Gold Medol. Na tim husait lus bai kam daun long resis long Brons Medol.

Ol Tim NCD pilai i amamas tru na luk fowet long pilai ol gem we i stap yet long em.

"Mipela i kam longpela rot true long dispela gem na mipela bai kisim wanem samting mipela laik kisim na kam long em", Skipa James Kapi i tok. "Bihain long seven-

pela gem olgeta, mipela i lukim na save pinis wanem hap bai NCD go mak long em. Mipela gat bilip long mipela yet na tu mipela bai nonap go nating. Mipela bai traim long winim wanpela medol bilong provins bilong mipela" Pilaia Mollox Yanga i tok.

Tim NCD olim Brons Medol long bipo PNG Gems ragbi 9s na i luk fowet long holim strong dispela medol o winim Gold long dispela yia gem.

Sans bilong ol long lukim dispela driman karim kaikai i no pinis yet. I gat tupela moa gem na tupela moa tim long winim bihain long ol i ken kisim Gold.



Samting yu mas mekim long taim bilong lusim ples

NAU we yu i redi long kalap long balus o bot long go long Gems, i gat sampela ol bikepla samting yum as mekim pastaim long olgeta wanwan etlit/opisal i kalap long wanem trenspot yu stretim pinis.

I mas i gat sekis long ol wok menesmen tim bilong yu i mas mekim. Tingim, olgeta manmeri i amamas long raun i go long nupela ples, na save gat birua i ken kamap. Taim mi tok birua, mi toktok long ol sutkes i lus, tim i bungim birua long rot, lus tingting long samting yu mas bringim wantaim yu, na lis i go yet.

Long katim daun ol kain kain hait birua, yu mas oltaim banisim yu yet na tim bilong yu. Yu mas oltaim klia long tim bilong yu, em ol etlit na opisal.

Olgeta i mas stap long ples bilong lusim taun tupel awa pastaim long taim bilong kalap balus, na yu mas i gat sekis long wok yu na menesmen bilong yu i mas mekim. Wanwan memba bilong menesmen tim bilong yu i mas save long wanem samting long mekim. Olsem na long dispela taim, olgeta lain i mas kamap pas long ples balus sampela awa pastaim long ol arapela lain i kamap.

Olgeta etlit na opisal i mas kisim klia toksave long taim bilong kamap long ples bilong go. Ol i mas save olsem ol i mas stap long ples balus tupela awa pastaim long taim bilong kirap.

Dispela bai givim inap taim bilong ol long painim rot bilong ol. Tasol sapos ol i nogat trenspot, orait, i mas i gat sapot i stap long kisim ol i go long ples balus.

Pastaim long taim kirap na go bilong yu i kamap klia, yu na ol tim menesmen memba bilong yu i mas mekim wok.

Dispela wok em long ogenaism ol koud menesa long stretim gut ol tim bilong ol. Sekim ol bihainim nem, na sekim olsem olgeta kago i gat lok long en, na ol i no karim ol kain kain samting ol i no nidim. Tokim ol long lainap long spot bihainim alphabet. Tokim ol koud menesa long kisim ol balus tiket bilong ol, bai nogat wanpela i abrus. Dispela wok, i mobeta long mekim sampela de i go pinis.

Taim yu sekim in olgeta etlit na opisal, em bai isi long ol elain opisa long givim ol sia. Tingim, yu na ol menesmen tim memba bilong yu i mas ol laspela lain bilong sekin. Olgeta i mas holim wanwan boding pas. Ol koud menesa i mas tokaut kwik long wanem ol samting i nidim stretim.

Taim olgeta i sekin pinis, na holim boding pas, tokim olgeta i sindaun bung. Dispela em i wok bilong ol koud menesa. Ol koud menesa i mas soim komitmen na wok strong long dispela. Dispela em bikos olgeta wanwan etlit am i stap aninit long lukaut bilong ol, na oltaim, ol i mas i gat pawa long kisim eksen long wanem kain samting taim em i kamap.

Taim ol i toksave long taim bilong kalap long balus, ol i mas mas i go long balus bihainim stretpela lain, na ol yet i mas proud o bilip strong long mekim samting stret.

Tingim, yu mas tokim ol olsem ol em ol ambeseda bilong provins bilong ol, na ol i mas bihainim stretpela na gutpela pasin bilong makim gut.

Nogat wanpela i mas spak. I mas i gat lika ben o tambu long bia inap Gems i pinis.

Sapos yu laikim strongpela pilai long Gems, orait yupela i mas bihainim ol dispela tok stia.

Etletiks bai pulim planti manmeri

PLANTI manmeri husait stap insait long resis long ron, kalap na tromoi ol spia na bol long dispela laspela wik bilong PNG Gems long Rabaul.

Moa long 650 spot manmeri bilong ron long trek na fil bin go rejista na bai stap insait long dispela resis dispela wik.

Ron bilong 100 mita resis bilong ol man i pulim 65 man olgeta long go insait long wanwan hit na bihain bai painim husait em spet man bilong PNG Gem 2012.

Long 200 mita tu i pulim planti man tu long resis long soim spit bilong ol, planti bilong ol dispela em ol yangpela man i stap yet long skul.

Longpela ron tu i pulim ol man husait gat longpela win, 800 mita em 46 man tasol i resis na bihain ol bai ol kisim ol man long taim bilong ol na ol bai ron long fannol long Fonde avinun.

Long 1500 mita 50 man tasol bai ron long en na man kam pas bai winim stret gold bilong Provins bilong em na wankain tu long 5000 mita we 36 man tasol i stap insait long dispela resis.

Dispela ol resis bilong ol man i bai wankain tasol olsem bilong meri we planti bilong ol meri i no stap long ol dispela bikpela resis.

Sampela bilong ol Provins we tim bilong bai reisi long trek na fil i bin go long Rabaul dispela wik tasol na bai resis long pilai bihain long gem bai pas long Fraide dispela wik.

Jiwaka i winim 2-pela gol medel

Michael Novingu I raitim

NUPELA Provins long Papua Niugini tim Jiwaka i winim 2-pela gol medel long sait bilong bodi bilding long 05th PNG grasruts gems long Kokopo las wik.

Mark Donald i winim wanpela gol medel long 65kg divisen na Robert Kit i winim arapela gol medel long 90kg divisen na bipo mista png long 2008 Imnak wiape i kisim brons medel long 75 kg divisen.

Donald i tok mi mangi long

ples, dispel em i nambawan taim bilong em long pilai long PNG gems long winim gol medel em i bikpela samting long laip bilong em. Moa yet em i amamas long apim nem bilong em na provins bilong em.

Donald i tok, maski ol biknem tim olsem Morobe na lsten Hilans i go pas long kisim medel, tasol Jiwaka i kam gut long winim gol medel.

Tim Enga i mekim kirap nogut long ol arapela tim long winim gol medel taim Apuka Sigi i kisim gol medel long

70kg na Rex Viyufa, tu i kisim gol medel long 75kg divisen.

Long wankain taim, tim ENB pilai meri Karleen Tolingling i winim gol medel long divisen bilong ol meri long 57kg na Dora Benson, tu i winim gol medel long 57kg.

Moa yet Atonomos rigen ov Bougainvil tu i winim gol medel long bodi bilding pilai. Long divisen bilong ol man long 88kg Pasco Sabin, i winim gol medel na long divisen bilong ol meri Beatrice Savia, i winim silva medel na Cathrine Wangat, i kisim brons medel.

Manus em PNG grasruts gems hoki sempion

Michael Novingu I raitim

TIM Manus, hoki tim bilong ol man i nekim sempion tim Morobe long 05th PNG grasruts gems long kisim gol medel long Kokopo sekenderi skul pilai graun las wik wantaim skoa 2-1.

Maski, bikpela ren ibin pun-daun tuple tim ya i pilai strong long sko, tasol tuple tim wantaim i pilai strong inap Manus i winim Morobe.

Long nambawan hap bilong gem tupela tim ya i pilai strong long skoa, tasol tupela tim

wantaim i putim strongpela was we nogat skoa i kamap.

Bihain long long namba tu hap bilong pilai tim Morobe i pilai gut, long 21 minits i lukim strika Kimims Hebei, i skoaim fes gol bilong ol. Dispela em i las skoa bilong ol long pilai bilong ol.

Long 26th minits mid filda bilong Manus Sodongen Poliap i setim gutpela bal long Nauna Tapas long skoaim fes gol bilong ol.

Bihain Poliap gen long namel bilong pilai graun i kism gutpela bal salim i go long Nauna Tapas long

skoaim win gol bilong ol Manus.

Sempion tim Morobe i traim hat long skoa tasol taim i sot lukim tim Manus i winim gol medel.

Long wankain taim, tim NCD i rausim tiket bilong ol mangi Madang long kisim brons medel wantaim skoa 3-0.

Long divisen bilong ol meri sempion tim Morobe i nekim ol susa bilong ol long NCD long kisim gol medel wantaim skoa 3-0 na Manus i kilim hos tim ENB Skoa 1.0 long ekstra taim long namba tri ples.

Morobe provins bai hostim 06th PNG grasruts gems long biktaun bilong ol long Lae

Michael Novingu I raitim

Bosmeri bilong PNG gems kaunsel lammo Luna i tokaut las wik olsem Morobe i winim bid long Nesenel Kapitel Distrik na lsten Hilans long lukautim o

hostim 06th PNG grasruts gems.

Launa i tok dispel em i namba tu taim bilong Morobe long hostim PNG Gems. Moa yet long em i tok long 2005 Morobe i hostim, na long 2003 lsten Hilans i hostim PNG Gems.

Em i tok, Lae i gat planti samting na hap bilong pilai olsem Se Ignatius Kilage stadium na Lae ragbi lig pilai graun i stap long yusim long taim bilong pilai.

Launa i tok gavana bilong Morobe Kelly Naru taim em i winim bid long

lukautim o hostim 06th PNG grasruts gems itok olsem K29 milien em bai katim bilong wok rere long gems bai kamap long provins bilong em.

Launa i tok, ol mausman bilong ol arapela provins tu i stap long dispela miting tu

i vot long Morobe long hostim 06th PNG grasruts gems long wanem gavana bilong Morobe Kelly Naru, i tokaut olsem K29m Provinsel Gavman bilong em i makim long karim aut wok bilong gems long 2014.

PNGRFL Gat Nupela Bod



Ol nupela PNGRFL bod memba.

Nicky Bernard i raitim

PAPUA Niugini Ragbi Futbol Lig i gat ol nupela bod. Dispela ol nupela bod em ol makim long wiken i go pinis taim ol i holim wanpela bikpela miting long Pot Mosbi.

Dispela nupela bod bai mekim wok inap long 6-pela mun aninit long lukaut bilong Don Fox olsem nupela siaman.

Don Fox, em wanpela olupela man long ragbi lig insait long kantri na em save gut tru long ron bilong ragbi lig inasit long Papua Niugini. Em tu bin go pas long sampela bikpela pilai pinis olsem Digicel kap na sampela moa.

Em wantaim 4-pela nupela memba bilong em bai karim wok bilong ragbi lig insait long kantri bihain long kot sainim long aste Trinde.

Dispela kot oda bai tok klia olsem Don Fox na ol komiti memba bilong ken karim wok long han bilong ol olupela komiti memba long bipo.

Don wantaim ol komiti memba bilong em ol makim long dispela bikpela miting

we olgeta presiden bilong wanwan klab long wanwan provins bin kam stap long en.

Dispela miting bilong ol gavman bilong PNG bin fandim na em bin wanpela long ol bikpela miting long sampela yia go pinis.

Dispela ol nupela komiti memba bai makim wanwan rijen bilong kantri na dispela bai mekim wok isi na tu bai kirapim bek ragbi lig insait long PNG.

Minista bilong spot Justin Tkatchenko, i tok em gat strongpela bilip long Don Fox na ol olupela bod memba bilong em karim ragbi lig long Papua Niugini go long fran.

Em tok tenkyu tu i go long olgeta presiden long kam long dispela bikpela miting na makim ol dispela nupela bod memba.

Ol dispela nupela bod em, Don Fox em siaman, Joe Tokam husat bai lukautim Hailans Rijen, Presiden bilong Lae ragbi lig, Russ Kaupa, bai lukautim Noten Rijen, Walter Boski, bai lukautim Niugini Ailans na presiden bilong Rigo Ragbi Lig Mairi Gwabo, bai lukautim Sauten Rijen.

CARPENTERS MOTORS Tel: 311 2233 | Fax: 311 2440 | Email: info@carpentersmotors.com
Our location is the corner of Waigani Drive and Ahuia Street, Gordons, Port Moresby.